

四庫全書

子部

欽定四庫全書

子部  
莊子翼卷八

詳校官監察御史臣龔燮文

檢討臣何思鈞覆勘

總校官進士臣何思鈞

校對官助教臣羅萬選

謄錄監生臣羅嗣遠

欽定四庫全書

莊子翼卷七

寓言第二十七

明 焦竑 撰

寓言十九重言十七卮言日出和以天倪寓言十九藉  
外誇之親父不為其子媒親父譽之不若非其父者也  
非吾罪也人之罪也與已同則應不與已同則反同於  
已為是之異於已為非之重言十七所以已言也是為

耆艾年先矣而無經緯本末以期年耆者是非先也人而無以先人無人道也人而無人道是之謂陳人卮言日出和以天倪因以曼衍所以窮年不言則齊齊與言不齊言與齊不齊也故曰無言言無言終身言未嘗言終身不言未嘗不言有自也而可有自也而不可有自也而然有自也而不然惡乎然然於然惡乎不然不然於不然惡乎可可於可惡乎不可不可於不可物固有所可無物不然無物不可非卮言日出和

以天倪孰得其久萬物皆種也以不同形相禪始卒若

環莫得其倫是謂天均天均者天倪也

已言者止人之爭辨也 卮圓酒

器也藉因也

郭注

寄之他人則十言而九見信世之所重則十言而七見信卮滿則傾空則仰非持故也況之於言因

物隨變唯彼之從故曰日出日入謂日新也日新則盡其自然之分自然之分盡則和也言出於已俗多不受故借外耳肩吾連叔之類皆所借也父之譽子人多不信時有信者輒以常嫌見疑故借外論之已雖信而懷常疑者猶不受寄之他人則信之人之聽有斯累也同則應不同則反互相非也三異同處而二異訟其所取是必於不訟者俱異耳而獨信其是非借外而何重言以其者父故俗共重之雖使言不借外猶十信其七夫

耆艾者年在物先耳其餘本末無以待人則非所以先也期待也此直陳父之人耳而俗便共信之此俗之所  
以安故習常也夫自然有分而是非無主無主則曼衍  
矣誰能定之哉故曠然無懷因而任之所以各終其天  
年也付之與物而就用其言則彼此是非居然自齊若  
不能因彼而立言以齊之則我與物復不齊矣言彼所  
言故雖有言而我竟不言也自由也由彼我之情偏故  
有可不可而物各自然各自可統而言之則無可無不  
可無可無不可而至也唯言隨物制而任其天然之分  
者能無天落雖變化相代其氣則一於今爲始於昨爲  
卒皆理自爾故莫得其倫是謂天均  
夫天均齊者豈妄哉皆天然之分也

**呂注**

寓言十九則非寓而言者十一重言十七則非重  
而言者十三而已卮言日出和以天倪則寓與不

寓重與不重皆卮言也何謂寓言十九夫道近在吾心  
以吾心論之彼而疑則不信猶父不爲子謀必藉外論

之非吾不欲直言人不可與直言故也何謂重言十七  
同已則應而為是異已則反而為非吾所以言於人者  
欲其應不欲其反也故因其心之所重耆艾之人而言  
之凡書中稱引古者皆以耆艾為重者所聞先於我非  
以年也有經緯本未足以先人則人從之人而無以先  
人是謂陳久之人曷足重哉言出未始有言則其日出  
猶卮而已卮之為物酌於樽壘而時出之中虛而無積  
也天倪則無為之至聖人所休和以是非休乎天均則  
出處語默無非天均因以曼衍即是理而推之所以窮  
年也唯無我而不言則齊有言則有我有物安得而齊  
故齊與言言與齊未始齊也不言雖齊猶與言不齊未  
足為大齊惟言無言而後大齊卮言是也故終身言未  
嘗言終身不言未嘗不言所謂可與不可然與不然皆  
有自也固有所然所可則無不然無不可可知矣萬物  
之種其出未始不同知其同則知始卒環是謂天均  
天均者是而非於此而和萬物所齊無為之至故曰天倪

也

劉槩

水之在厄猶言之在德不滿則不發也自外來者益之而不可增由中出者雖多而未嘗虧故曰厄

言日出物之有際必有端倪自然之倪始卒若環故曰和以天倪如草蔓水衍以譬自然之緒道全而物不傷故可以盡年也終身言未嘗言終身不言未嘗不言則六經不為支離老子不為簡約矣

莊子謂惠子曰孔子行年六十而六十化始時所是卒而非之未知今之所謂是之非五十九非也惠子曰孔子勤志服知也莊子曰孔子謝之矣而其未之嘗言孔子云夫受才乎大本復靈以生鳴而當律言而當法利



義陳乎前而好惡是非直服人之口而已矣使人乃以

心服而不敢蓋

五各反

立定天下之定已乎已乎吾且不

得及彼乎

郭注

隨年隨化與時俱也時變則俗情亦變乘物以游心者豈異於俗哉變者不停是不可常謂孔子勤

志服膺而後知非能任其自化也此明惠子不及聖人之韻遠矣孔子謝變化之自爾非知力之所為故隨時任物而不造言也若役其材知而不復其本靈則生亡矣鳴者律之所生言者法之所出而法律者衆之所為聖人就用之耳故無不當而未之嘗言未之嘗為也服用也我無言也我之所言直用人之口耳好惡是非義利之陳未始出吾口也口所以宣心故用衆人之口則衆人之心用矣我順衆心則衆心信矣誰敢逆立哉因

天下之自定而定之又何為乎因而乘之故無不及也

呂注

傳稱孔子六十而耳順七十而從心所欲不踰矩則橫心所念更無是非橫口所言更無利害是也

道未至於從心則不免於化化則必始是而卒非六十一之所謂是安知非五十九非也惠子不知此乃孔子之與人同者至其與天同者則自古及今未始有化而真以為勤志而行服知而知也謝謂絕去之物得以生之謂德所謂受才乎大本復靈以生也未生則無氣無形安有所謂靈生而有氣有形而復其靈也鳴而當律無事於聲音之調言而當法無事於義理之釋以夫義利陳乎前我則從而好惡是非之直服人之口而已以其所待未定非無為而自化者若夫使人心服而不敢違立然後定天下之定是乃使之自化非直服人之口而已吾且不得及彼者是其謝之而未之嘗言也

循本

服初也知從事乎知也才猶孟子天之降才大本猶大

逆也定天下之定天下自有定理不過定其所定也惠子聞莊子言孔子六十而化以為孔子不過勤勞心志而從事乎多知未得為化莊子曰不然孔子之言曰夫受性於初而能返其虛靈以生鳴則合於條律言則合於法度利義陳乎前而知好惡是非此儒者之事但能服人之口而已至於使人心服不敢違逆此方是至人之道又贊之曰道止於此乎止於此乎吾且不得及彼至人乎已乎以下皆孔子之言

曾子再仕而心再化曰吾及親仕三釜而心樂後仕三

千鍾不洎

既

吾心悲弟子問於仲尼曰若參者可謂無

所縣其罪乎曰既已縣矣夫無所縣者可以有哀乎彼

視三釜三千鍾如觀

一作鶴

雀蚊虻相過乎前也

再化謂悲樂之

變縣羅云揭也不泊不及養親也鶴蚊取大小以喻三釜三千鍾之多少

郭注

泊及也縣係也謂參仕以為親無係祿之罪既以縣矣謂係於祿以養也夫養親以適不問其具若

能無係則不以貴賤經懷而平和恬暢盡色養之宜矣彼謂無係也夫無係者視榮祿若蚊虻鳥雀之在前而過去耳豈有哀樂於其間哉

呂注

安時處順哀樂不能入古者謂是帝之縣解則無所縣者固不可以有哀也或生亦大矣而哀樂不

能入則視三釜三千鍾如觀雀蚊虻過乎前其小大多少不足較也明矣

口義

弟子問曾子此言有係累之罪否疑其前後兩變有悲喜也既已縣矣言只此悲喜便是有係若無

條則外物過前猶蚊  
虻而已豈足悲喜乎

顏成子游謂東郭子綦曰自吾聞子之言一年而野二  
年而從三年而通四年而物五年而來六年而鬼入七  
年而天成八年而不知死不知生九年而大妙生有為  
死也勸公以其死也有自也而生陽也無自也而果然  
乎惡乎其所適惡乎其所不適天有歷數地有人據吾  
惡乎求之莫知其所終若之何其無命也莫知其所始  
若之何其有命也有以相應也若之何其無鬼邪無以

相應也若之何其有鬼邪

論天者有歷數之法論地者  
有人所考據之迹劉云人據

人各自據  
域不通也

郭注

野外權利也從不自專也通通彼我也物與物同  
也來自得也鬼入外形骸也天成無所復為也不

知死生所遇皆適而安也妙善也善惡同故無往而不  
冥此言久聞道知天籟之自然將忽然自忘則穢累日  
去以至於盡耳生而有為則喪其生自由也由有為故  
或由私其生故有為今所以勸公者以其死之由私耳  
夫生之陽遂以其絕迹無為而忽然獨爾非由有也然  
而果然故無適無不適而後皆適皆適而至也天地皆  
已自足理必自終不由於知非命如何不知其所以然  
而然謂之命似若有意也故又遣命之名以明其自爾  
而後命理全也理必有應若有神靈以致也  
理自相應不由於故則雖相應而無靈也

呂注

虛守靜非一朝之積也。野謂忘仁義賓禮樂從言。

心之莫逆通言心之徹物即物皆游物物皆觀矣。來則道集之謂鬼入即鬼神來舍天成則與天合德不知。為言然後能體神也。生而無為則不知大妙則神矣。妙萬物而。生而有為而後有。生而無私則不知有死矣。生而有為而後有。生而無私則不知有死矣。能成其私所以勸公也。原始要終故知生歿之說始卒。若環則生陽而已安有所自以有為為自亦以物情言。之其果然乎故體道窮神者不知有。生惡有所適所。不適欲求之歷數人據未始同也。又惡乎求之禍福人。事之間哉以為無命耶終若有所制也以為有命耶求。其始不可得也以為無鬼邪而有所以相應以為有鬼耶。而無以相應是以止於所不。知而無所容心斯得之矣。

衆罔兩問於景

影

曰若何也俯而今也仰何也括而今

也被髮何也坐而今也起何也行而今也止何也景曰

叟叟也奚稍問也予有而不知其所以予蜩甲也蛇蛻

也似之而非也火與日吾屯

豚

也陰與夜吾代也彼吾

所以有待耶而況乎以有待者乎彼來則我與之來彼

往則我與之往彼強陽則我與之強陽強陽者又何以

有問乎

蜩甲蟬蛻皮也屯聚也  
叟叟一作搜搜音蕭

郭注

運動自爾無所稍問自爾故不知所以影似形而非形推而極之則今之所謂有待者卒至於無待



而獨化之理彰矣直自強陽運動相隨往來耳無竟不可問也

呂注

罔雨生於影影外微陰非一故曰叟叟影之俯仰行止隨人而已豈知所以哉形之有影猶蜩之甲

蛇代之蛻而非蜩甲蛇蛻也影得日火則也而顯遇陰夜則代而隱此乃影之所待而為影然而無情豈知有待耶影之所待者日火陰夜而不可謂之有待況以有待者乎以有待者影之所自出即形是也以罔兩無待知影之無待以影無待知影之所出者亦無待則不為形所累矣彼來往則我與之來往彼強陽則我與之強陽皆非我也又何有問乎

循本

括括髮叟老人之稱稍畧也彼指形也況乎以之以訓用強陽陽氣之不正者罔兩與影如叟之與

叟也二叟相逢住世能幾相問之時不過稍稍而已汝何必稍問也予影自謂也予雖有此影而不知其所以

然之故若曰影生於形如蜩之甲如蛇之蛻此說似矣而非甲猶是生於蜩蛻猶是生於蛇若影遇火與日照之則也聚遇天陰與夜則代去無火日則雖有形不能為我影如此看來則彼之形雖能為吾影而必有所待況罔兩又用影之有待者乎彼形來往吾固與之來往彼形強陽吾亦與之強陽強陽者本非血氣之正而影亦隨之以見形影皆非真實又何

以問為此段重出而語意尤超

陽子居南之沛老聃西遊於秦邀於郊至於梁而遇老子老子中道仰天而嘆曰始以汝為可教今不可也陽子居不答至舍進盥漱巾櫛脫屣戶外膝行而前曰向者弟子欲請夫子夫子行不間是以不敢今間矣請問其

故老子曰而睢睢

反

盱盱

盱

而誰與居大白若辱威德

若不足陽子居斲

子六切

然變容曰敬聞命矣其往也舍

者迎將其家公執席妻執巾櫛舍者避席煬

漢

者避竈

其反也舍者與之爭席矣

陽

姓

名

戎

字

子居

列

子作

楊

睢

仰目也盱張目也皆視

上

於

而

近

傲者煬炊也

郭注

睢

盱

盱

眦

眦

眦

眦

眦

眦

眦

眦

眦

眦

眦

眦

眦

眦

眦

眦

眦

呂注

睢

盱

盱

眦

眦

眦

眦

眦

眦

眦

眦

眦

眦

眦

眦

眦

眦

眦

眦

眦

其趣

一也

江通

孔子曰下人不精不得其真進盥漱巾櫛脫屣膝

神之所託也得道者之相遇目擊而道存知人者每得  
於眉睫故陽子之睢睢野野老子以為不可教也明白  
四達是謂大白每下愈況是謂若辱冲而不盈故威德  
若不足若然者其視顛顛奚有於睢野哉避席非止於  
不爭而已爭席非止於不避而已聞命而反則昔之避  
者更且爭夫秦梁之地不遠也今之舍者猶昔之舍者  
也亦非有二楊朱也其相遇遽若此異者乃知至道密  
庸變形易慮人常由之而莫知也蓋南之沛則趨於物  
之所會其反也則復於命之所  
本或避或爭在往反之間耳

管見總論

是篇以寓言標題南華老仙渡水不濕脚之  
意自揆立言既多恐後人殉迹成弊故隨步

隨掃其迹其寓言重言皆不得已而藉外論之危言如  
水在危有防而不失則其出也由中故日出而不厭同

異是非各當其分言出於無言亦猶不言也其然其可則物情之去取耳惡知其為固然固可耶是以必至於不言則齊也吁世衰道微人莫已信不得行志當世猶觀垂訓方來又慮無以必後人之知故寓於所重以取信焉使人由寓以完其真從微而躋乎妙其成功一也至論夫子之迹隨年化始是卒非當身之是不可常也如此況欲必信於後世乎曾子之再仕再化心不免乎有係而哀樂形焉無問乎為親為祿也若夫聞言而悟有若子游一年而野至於大妙則心日虛而道日集矣次論命鬼之有無形影之因待皆明造化不可致詰之妙人能充其造化所與而莫之天關則吾身之天地不可測之靈物亦猶是也結以睢盱矜傲入誰與居聞命而反舍者爭席則耳聆心悟在片言之頃孰謂載道而示後世無得魚忘筌者哉

## 讓王第二十八

堯以天下讓許由許由不受又讓于子州支父子州支父曰以我為天子猶之可也雖然我適有幽憂之病方

且治

平聲

之未暇治天下也夫天下至重也而不以害其

生又況他物乎唯無以天下為者可以託天下也舜讓天下於子州支伯子州支伯曰予適有幽憂之病方且治之未暇治天下也故天下大器也而不以易生此有道者之所以異乎俗者也舜以天下讓善卷善卷曰余立於宇宙之中冬日衣皮毛夏日衣葛絺春耕種形足

以勞動秋收斂身足以休食日出而作日入而息逍遙  
於天地之間而心意自得吾何以天下為哉悲夫子之  
不知余也遂不受於是去而入深山莫知其處舜以天  
下讓其友石戶之農石戶之農曰捲捲權乎后之為人  
葆力之士也以舜之德為未至也於是夫負妻戴攜子  
以入於海終身不反也大王亶父居邠狄人攻之事之  
以皮帛而不受事之以犬馬而不受事之以珠玉而不  
受狄人之所求者土地也大王亶父曰與人之兄居而

殺其弟與人之父居而殺其子吾不忍也子皆勉居矣  
為吾臣與為狄人臣奚以異且吾聞之不以所用養害  
所養因杖筭而去之民相連而從之遂成國於岐山之  
下夫大王亶父可謂能尊生矣能尊生者雖貴富不以  
養傷身雖貧賤不以利累形今世之人居高官尊爵者  
皆重失之見利輕亡其身豈不惑哉越人三世弑其君  
王子搜患之逃乎丹穴而越國無君求王子搜不得從  
之丹穴王子搜不肯出越人薰之以艾乘以王輿王子



搜援綏登車仰天而呼曰君乎君乎獨不可以舍我乎  
王子搜非惡為君也惡為君之患也若王子搜者可謂

不以國傷生矣此固越人之所欲得為君也

幽憂高誘云幽隱也

詩云如有隱憂是也捲捲用力貌所用養地也所養人也  
不以養傷身不以利累形言富貴有養而不以味養  
傷身貧賤無利而不以求利累形也搜王  
子名淮南子作翳爾雅云南戴日為丹穴

呂注

三代之季父子兄弟爭有天下更相殘害所謂士  
者危身輕生以干澤此讓王之篇所以作也許由

支父之徒皆不以天下易其生者揚雄以為先哲堯禪  
舜之重則不輕於由也所謂重者得不以其歷試而後  
授之以天下乎殊不知堯之所以得舜者不在於歷試  
歷試者與人同而已所謂暴之於人是也使由無避堯

之意安知其試之不如舜乎

疑獨

有身不能無養有生不能無累富貴者樂於養過則傷身貧賤者迫於利利失則累形能免二患

乃為尊生也然此聖人之緒耳非其真也聖人之真者忘生而生無不全忘養而養無不至雖為天下國家之所寄託時適然耳又何傷乎

循本

今常德府武陵縣南蒼山有善菴壇宋政和中賜號遁世高蹈先生郡守李燾為壇記壇之近仍有

墳其

韓魏相與爭侵地子華子見昭僖侯昭僖侯有憂色子

華子曰今使天下書銘於君之前書之言曰左手攫

俱縛

切之則右手廢右手攫之則左手廢然而攫之者必有

天下君能攫之乎昭僖侯曰寡人不攫也子華子曰甚  
善自是觀之兩臂重於天下也身亦重於兩臂韓之輕  
於天下亦遠矣今之所爭者其輕於韓又遠君固愁身  
傷生以憂戚不得也昭僖侯曰善哉教寡人者衆矣未  
嘗得聞此言也子華子可謂知輕重矣

子華子魏人攫  
取也廢斷而去

也之

呂注

昭僖侯能用子華之言而輕其所爭  
則於不以天下易生者又其次也

碧虛

名與身孰親身與貨孰多疆場廢地何苦爭為鴻烈解曰殺戎馬而求狐狸援兩鰲而失靈龜斷右

臂而爭一毫折鑊鄉而競刀錐可謂不知輕重者也

魯君聞顏闔得道之人也使人以幣先焉顏闔守陋閭  
苴布之衣而自飯牛魯君之使者至顏闔自對之使者  
曰此顏闔之家與顏闔對曰此闔之家也使者致幣顏  
闔曰恐聽者謬而遺使者罪不若審之使者還反審之  
復來求之則不得已故若顏闔者真惡富貴也故曰道  
之真以治身其緒餘以為國家其土苴

側雅反

以治天下

由此觀之帝王之功聖人之餘事也非所以完身養生也今世俗之君子多危身棄生以殉物豈不悲哉凡聖人之動作也必察其所以之與其所以為今且有人於此以隨侯之珠彈千仞之雀世必笑之是何也則其所用者重而所要者輕也夫生者豈特隨侯之重哉

魯君一作

魯侯宜有子麻也土宜糞草

管見

難進易退君子之常養愈久而植愈深闔不容議矣且天下功業莫大於帝王此猶以為餘事則所

謂聖人之真者豈常流可測邪所以之所以為即語云所由所安也恐聽者謬多者字真以治身治當是持凡

聖人之動作聖字為冗隋侯之重重當作珠全見呂氏春秋可證不韋去莊子未遠必得其真

子列子窮容貌有饑色客有言之於鄭子陽者曰列禦寇蓋有道之士也居君之國而窮君無乃為不好士乎鄭子陽即令官遺之粟子列子見使者再拜而辭使者去子列子入其妻望之而拊心曰妾聞為有道者之妻子皆得佚樂今有饑色君過而遺先生食先生不受豈不命邪子列子笑謂之曰君非自知我也以人之言而遺我粟至其罪我也又且以人之言此吾所以不受也

其卒民果作難而殺子陽

子陽鄭相為人嚴酷罪者無赦舍人折弓畏子陽怒責因

國人逐狗而殺子陽

碧虛

士甘陸沈無聞豈肯誡志而受無名之祿苟徇妻子之情而踣躅於禍網哉

楚昭王失國屠羊說

悅

走而從於昭王昭王反國將賞

從者及屠羊說屠羊說曰大王失國說失屠羊大王反

國說亦反屠羊臣之爵祿已復矣又何賞之言王曰強

上聲之屠羊說曰大王失國非臣之罪故不敢伏其誅大

王反國非臣之功故不敢當其賞王曰見之屠羊說曰

楚國之法必有重賞大功而後得見今臣之知不足以存國而勇不足以死寇吳軍入郢說畏難而避寇非故隨大王也今大王欲廢法毀約而見說此非臣之所以聞天下也王謂司馬子綦曰屠羊說居處卑賤而陳義甚高子其為我延之以三旌之位屠羊說曰夫三旌之位吾知其貴於屠羊之肆也萬鍾之祿吾知其富於屠羊之利也然豈可以貪爵祿而使吾君有妄施之名乎說不敢當願復反吾屠羊之肆遂不受也

三旌司馬本作三珪云諸



侯之三卿  
皆執珪者

碧虛

誦詩書而發冢居屠肆而守義者何代無之夫竊勢以為已功市權而要重賞者聞此亦當知愧矣

口義

大王反國說反屠羊各得其本分三旌三公也車服各有旌別故曰三旌

原憲居魯環堵之室茨以生草蓬戶不完桑以為樞而

甕牖二室褐以為塞上漏下濕匡坐而弦子貢乘大馬

中紺而表素軒車不容巷往見原憲原憲華冠緹履

徒履

杖藜而應門子貢曰嘻先生何病原憲應之曰憲聞之

無財謂之貧學而不能行謂之病今憲貧也非病也子

貢逡巡而有愧色原憲笑曰夫希世而行比周而友學  
以為人教以為己仁義之愚與馬之飾憲不忍為也曾  
子居衛緼袍無表顏色腫噲手足胼胝駢支三日不舉  
火十年不製衣正冠而纓絕捉衿而肘見納履而踵決  
曳絀而歌商頌聲滿天地若出金石天子不得臣諸侯  
不得友故養志者忘形養形者忘利致道者忘心矣孔  
子謂顏回曰回來家貧居卑胡不仕乎顏回對曰不願  
仕回有郭外之田五十畝足以給飢粥郭內之田十畝

足以為絲麻鼓琴足以自娛所學夫子之道者足以自樂也回不願仕孔子愀然變容曰善哉回之意丘聞之知足者不以利自累也審自得者失之而不懼行脩於內者無位而不忤丘誦之久矣今於回而後見之是丘

之得也

匡正也。縱履曳履也。應門自對門也。希世顧世譽也。腫噲剝錯也。一云盈虛不常貌。

新傳

夫富與貴是人之所好也。貧與賤是人之所惡也。所好所惡皆生於心。能無心則好惡所以忘。好惡

忘則處富貴不知其富貴。居貧賤不知其貧賤。汎然自得於胸中。所以逍遙於天地之間也。若原憲曾子顏回者可謂無心矣。憲居環堵之室。蓬戶而飢。粥絲麻之僅給。腫噲而衣冠決壤。顏回家貧處卑而飢粥絲麻之僅給。

三人未嘗惡貧而忌道故或歌或弦而忌形自得矣豈  
務殉物而傷生歟此所以異於世俗矣故曰致道者忌  
心

中山公子牟謂瞻子曰身在江海之上心居乎魏闕之  
下奈何瞻子曰重生重生則利輕中山公子牟曰雖知  
之未能勝也瞻子曰不能自勝則從神無惡乎不能自  
勝而強不從者此之謂重傷重傷之人無壽類矣魏牟  
萬乘之公子也其隱巖穴也難為於布衣之士雖未至  
乎道可謂有其意矣

象魏觀闕國君之門淮南子作  
魏闕許慎云天子之兩觀也

疑獨

魏公子牟封於中山膽子魏之賢人夫人心最為難勝故雖身在江海心居魏闕自言其未能無心

於富貴也重生則利輕利輕則不思魏闕夫牟雖知生可重物可輕然其心不能自勝夫未自能勝不如且順之而勿強抑強抑則內傷其神神惡之矣不能自勝一傷也強而抑之是二傷也故曰重傷此非自養之道也故曰無壽類矣膽子所言固不可為學道者之法譬名醫療疾必審人而處方期於療疾而已

孔子窮於陳蔡之間七日不火食藜羹不糝

素感切

顏色

甚憊而弦歌於室顏回擇菜子路子貢相與言曰夫子再逐於魯削迹於衛伐樹於宋窮於商周圍於陳蔡殺夫子者無罪藉夫子者無禁弦歌鼓琴未嘗絕音君子

之無耻也若此乎顏回無以應入告孔子孔子推

吐雷切

琴喟然而嘆曰由與賜細人也召而來吾語之子路子貢入子路曰如此者可謂窮矣孔子曰是何言也君子通於道之謂通窮於道之謂窮今丘抱仁義之道以遭亂世之患其何窮之為故內省而不窮於道臨難而不失其德天寒既至霜雪既降吾是以知松柏之茂也陳蔡之隘厄於丘其幸乎孔子削然反琴而弦歌子路抗然執干而舞子貢曰吾不知天之高也地之下也古之

得道者窮亦樂通亦樂所樂非窮通也道德於此則窮

通為寒暑風雨之序矣故許由娛於潁陽而共恭伯得

乎丘首

孔子之宋與弟子習禮大樹下桓魋欲殺孔子伐其樹孔子遂行不糝無米粒也藉陵藉也削

然反琴聲北然奮舞貌共伯即共和丘首一作共首

呂注

自顏闔禦冠至孔子皆不妄受人之爵祿施予以至貧賤凍餒而不改其樂者也其次公子牟雖未

至乎道而有其意者也世俗之人湛於人偽者聞許由善卷之風狂而不信故歷叙聖賢莫不樂道以忘生忘

生為難猶且為之則不以天下國家傷其生為易可知矣

司馬彪

共伯名和修其行好賢人周厲王之難天子曠絕諸侯皆請以為天子即位十四年大旱屋焚

卜于太陽兆曰厲王為祟召公乃立宣王共伯復歸於宗道遙得意共山之首

舜以天下讓其友北人無擇北人無擇曰異哉后之為人也居於猷畝之中而遊堯之門不若是而已又欲以其辱行漫我吾羞見之因自投清冷之淵湯將伐桀因卜隨而謀卜隨曰非吾事也湯曰孰可曰吾不知也湯又因瞽務光而謀瞽光曰非吾事也湯曰孰可曰吾不知也湯遂知也湯曰伊尹何如曰強力忍垢吾不知其他也湯遂與伊尹謀伐桀剋之以讓卜隨卜隨辭曰后之伐桀也



謀乎我必以我為賊也勝桀而讓我必以我為貪也吾  
生乎亂世而無道之人再來漫我以其辱行吾不忍數  
聞也乃自投桐水而死湯又讓瞽光曰知者謀之武者  
遂之仁者居之古之道也吾子胡不立乎瞽光辭曰廢  
上非義也殺民非仁也人犯其難我享其利非廉也吾  
聞之曰非其義者不受其祿無道之世不踐其土况尊  
我乎吾不忍久見也乃負石而自沉於廬

一作水  
隴上  
曰畝

隴中曰畝阻兵須強力弑  
君須忍垢桐水一作桐水

欽定四庫全書

莊子翼  
卷七

子

郭注

仁夫子曰志尚清遐高風邈世與夫貪利沒命者故有

天地之降也舊說曰如十隨務光者其視天下也若六合外人所不能察也斯則謬矣夫輕天下者不得有所重也苟無所重則無死地矣以天下為六合之外故當付之堯舜湯武耳淡然無係故汎然從衆得失無繫於懷何自投之為哉若二子者可以為殉名慕高矣未可謂外天下也

昔周之興有士二人處於孤竹曰伯夷叔齊二人相謂曰吾聞西方有人似有道者試往觀焉至於岐陽武王聞之使叔旦往見之與之盟曰加富二等就官一列血牲而埋之二人相視而笑曰嘻異哉此非吾所謂道也

昔者神農之有天下也時祀盡敬而不祈喜其於人也

忠信盡治而無求焉樂

洛

與政為政樂與治為治不以

人之壞自成也不以人之卑自高也不以遭時自利也

今周見殷之亂而遽為政上謀而下行貨阻兵而保威

割牲而盟以為信揚行以說

悅

衆殺伐以要利是推亂

以易暴也吾聞古之士遭治世不避其任遇亂世不為

苟存今天下闇周德衰其並乎周以塗吾身也不如避

之以潔吾行二子北至於首陽之山遂餓而死焉若伯

夷叔齊者其於富貴也苟可得已則必不賴高節戾行  
獨樂其志不事於世此二士之節也

孤竹國在遼西令支縣界血牲一本

作殺  
姓

郭注

論語曰伯夷叔齊餓於首陽之下不言其死也此云死亦欲明其守餓以終未必餓死也

呂注

若無擇隨光夷齊者非特不受人之天下與其爵祿又以聞其言處其世為汙辱至於溺餓而死此

其於樂道以忘生者益為難世俗之情所不信也數子皆聖賢則於死生之義固達矣夫死有重於泰山有輕於鴻毛而舜禹之讓其流為之噲殷武之事其末為贖輒聞無擇隨光夷齊之風者於天下後世豈小補哉則死非所愛也而韓非乃云湯欲傳惡聲於子光遂投河司光恐光受之乃使說光湯欲傳惡聲於子光遂投河司

馬遷亦不信有所謂隨光者韓非以知殺身則其量湯與光宜若此蓋許由支父支伯不以天下易其生使後世尊生而輕利也無擇隨光夷齊之徒則弃生以利天下使後世忘生而重義也其為仁則一而已矣莊子方論至道以遺名利則夷齊隨光皆在所斥及論讓王以悟危身徇物之俗則皆在所貴觀者知此則言忘而意得矣

# 郭氏總注

此篇大意以起高讓遠退之風故被其風者雖貪冒之人乘天衢入紫庭猶時慨然中路

而嘆况其凡乎故夷許之徒足以當稷契對伊呂矣夫居山谷而弘天下者雖不俱為聖佐不猶高於蒙堦塵者乎其事雖難為然其風少弊故可遺也曰夷許之弊安在曰許由之弊使人飾讓以求進遂至乎之噲也伯夷之風使暴虐之君得賜其毒而莫之敢亢也伊呂之弊使天下貪冒之雄敢行篡逆唯聖人無迹故無弊也

若以伊呂為聖人之迹則伯夷叔齊亦聖人之迹也若以伯夷叔齊非聖人之迹耶則伊呂之事亦非聖矣夫聖人因物之自行故無迹然則所謂聖者我本無迹故物得其迹迹得而強名聖則聖者乃無迹之名也

陸德明

或謂讓王之篇其章多重生而晉光二三子自投於水何也荅曰莊書之興存乎反本反本之

由先於去榮是以明讓王之一篇標傲世之逸志旨在不降以厲俗無厚身以全生所以時有重生之辭者亦歸弃榮之意耳所以深祛塵務之弊也其次者被褐啜粥保身而已其全身尚高而超俗自逸寧投身於清冷終不屈於世累也

劉槃

於不得已而已者無所不拒於不得已而不已者無所不取無所不拒近狷無所不取近狂聖人得中

道而與之則二者皆在所廢其不得中道而與之則二者皆在裁之之域矣夫狂狷者固中道之弊而後世狂

者非特進服也。至於貪生受利，顧冥於嗜慾之地，獨者非獨有所不為，至於洗耳投淵，以惡堯舜之名，此又狂狷之弊也。莊子謂讓之為名處夫授受之間，而宜不失者也。王者域中之大，於王而能讓事物，何有哉？故聖人不得已而臨蒞天下，如王子搜者，蓋可見矣。聖人至於外無物，則孰弊弊焉？以天下為事，至於內無我，則為天下所歸。亦安得而辭？如此，則堯舜之禪湯武之伐伊尹之相湯，伯夷之避紂，或足履堯門，與夫身居畎畝者，無殊致矣。

### 管見總論

本篇截讓王高節，自堯舜許由善卷，至於王子搜，皆重道尊生，不以富貴累其心，視天下

如敝屣者也。子華顏闔曾顏公子牟之徒，葆真守約，不以利祿易其操，視富貴如浮雲者也。其間魏牟校諸聖賢，若不足然，以國之公子能舍王位之尊，就巖穴之隱，亦良難矣。故其長風餘波之所被，啟有國者重道尊生

之心清淨無為之教所以立立聖素王之業所以著也  
世之忌已徇物者小臨利害一毫必爭在王位而能讓  
可謂天下之威舉矣夫懷道抱德而為人之所寄託者  
或不願有國去而入山海有之何無擇隨光之徒遽至  
自沈而喪不貲之軀耶蓋士不得中道而狷介特立者  
不能無弊是以貪甚者求之無厭必至於篡逆讓甚者  
避之無所必至自沈而後已此亦慕名之過唯聖人中  
庸無弊讓受合宜隱顯隨時從容中道堯舜之事是也  
伯夷叔齊讓國而逃于首陽食薇蕨而終則非故為矯  
亢要名後世者若夫為君而讓則其迹顯未為君而避  
則其迹隱退讓之志  
本同惟其時而已矣

盜跖第二十九

孔子與桀下季為友桀下季之弟名曰盜跖

反石

盜跖



從卒九千人橫行天下侵暴諸侯穴室樞戶驅人牛馬  
取人婦女貪得忘親不顧父母兄弟不祭先祖所過之  
邑大國守城小國入保萬民苦之孔子謂柳下季曰夫  
為人父者必能詔其子為人兄者必能教其弟若父不  
能詔其子兄不能教其弟則無貴父子兄弟之親矣今  
先生世之才士也弟為盜跖為天下害而弗能教也丘  
竊為先生羞之丘請為先生往說稅之柳下季曰先生  
言為人父者必能詔其子為人兄者必能教其弟若子

不聽父之詔弟不受兄之教雖今先生之辯將奈之何哉且跖之為人也心如涌泉意如飄風強足以拒敵辯足以飾非順其心則喜逆其心則怒易辱人以言先生必無往孔子不聽顏回為馭子貢為右往見盜跖盜跖乃方休卒徒太山之陽膾人肝而舖之孔子下車而前見謁者曰魯人孔丘聞將軍高義敬再拜謁者謁者入通盜跖聞之大怒目如明星髮上指冠曰此夫魯國之巧偽人孔丘非耶為我告之爾作言造語妄稱文武冠

枝木之冠帶歿牛之脅多辭繆說不耕而食不織而衣  
搖脣鼓舌擅生是非以迷天下之主使天下學士不反  
其本妄作孝弟而微倖於封侯富貴者也子之罪大極  
重疾走歸不然我將以子肝益晝舖之膳孔子復通曰  
丘得幸於季願望履幕下謁者復通盜跖曰使來前孔  
子趨而進避席反走再拜盜跖盜跖大怒兩展其足案  
劍嗔目聲如乳虎曰丘來前若所言順吾意則生逆吾  
心則歿孔子曰丘聞之凡天下有三德生而長大美好

無雙少長貴賤見而皆說之此上德也知維天地能辯諸物此中德也勇悍果敢聚衆率兵此下德也凡人有此一德者足以南面稱孤矣今將軍兼此三者身長八尺二寸面目有光脣如激丹齒如齊貝音中黃鐘而名曰盜跖丘竊為將軍耻不取焉將軍有意聽臣臣請南使吳越北使齊魯東使宋衛西使晉楚使為將軍造大城數百里立數十萬戶之邑尊將軍為諸侯與天下更始罷兵休卒收養昆弟共祭先祖此聖人才士之行而

天下之願也盜跖大怒曰丘來前夫可規以利而可諫以言者皆愚陋恒民之謂耳今長大美好人見而說之者此吾父母之遺德也丘雖不吾譽吾獨不自知耶且吾聞之好面譽人者亦好背而毀之今告我以大城衆民是規我以利而恒民畜我也安可長久也城之大者莫大乎天下矣堯舜有天下子孫無置錐之地湯武立為天子而後世絕滅非以其利大故耶且吾聞之古者禽獸多而人民少於是民皆巢居以避之晝拾橡栗暮

棲木上故命之曰有巢氏之民古者民不知衣服夏多積薪冬則煬之故命之曰知生之民神農之世臥則居居起則于于民知其母不知其父與麋鹿共處耕而食織而衣無有相害之心此至德之隆也然而黃帝不能致德與蚩尤戰於涿鹿之野流血百里堯舜作立羣臣湯放其主武王殺紂自是之後以強凌弱以衆暴寡湯武以來皆亂人之徒也今子修文武之道掌天下之辯以教後世縫衣淺帶矯言偽行以迷惑天下之主而欲

求富貴焉盜莫大於子天下何故不謂子為盜丘而乃  
謂我為盜跖子以甘辭說子路而使從之使子路去其  
危冠解其長劔而受教於子天下皆曰孔丘能止暴禁  
非其卒之也子路欲殺衛君而事不成身蒞於衛東門  
之上是子教之不至也子自謂才士聖人邪則再逐於  
魯削迹於衛窮於齊圍於陳蔡不容身於天下子教子  
路蒞此患上無以為身下無以為人子之道豈足貴邪  
世之所高莫若黃帝黃帝尚不能全德而戰涿鹿之野

流血百里堯不慈舜不孝禹偏枯湯放其主武王伐紂  
文王拘羑里此六子者世之所高也孰論之皆以利惑  
其真而強上聲反其情性其行乃甚可羞也世之所謂賢

士伯夷叔齊辭孤竹之君而餓死於首陽之山骨肉不  
葬鮑焦飾行非世抱木而死申徒狄諫而不聽負石自  
投於河為魚鱉所食介子推至忠也自割其股以食文  
公文公後背之子推怒而去抱木而燔死尾生與女子  
期於梁下女子不來水至不去抱梁柱而死此四者無



異於磔犬流豕操瓢而乞者皆離

雁

名輕死不念本養

壽命者也世所謂忠臣者莫若王子比干伍子胥子胥  
沈江比干剖心此二子者世謂忠臣也然卒為天下笑  
自上觀之至於子胥比干皆不足貴也丘之所以說我  
者若告我以鬼事則我不能知也若告我以人事者不  
過此矣皆吾所聞知也今吾告子以人之情目欲視色  
耳欲聽聲口欲察味志氣欲盈人上壽百歲中壽八十  
下壽六十除病瘦死喪憂患其中開口而笑者一月之

中不過四五日而已矣天與地無窮人死者有時操

平聲

有時之具而託於無窮之間忽然無異騏驎之馳過隙也不能說其志意養其壽命者皆非通道者也丘之所言皆吾之所弃也亟去走歸無復言之子之道狂狂汲汲詐巧虛偽事也非可以全真也奚足論哉孔子再拜趨走出門上車執轡三失目茫然無見色若灰據軾低頭不能出氣歸到魯東門外適遇柳下季柳下季曰今者闕然數日不見車馬有行色得微往見跖邪孔

子仰天而嘆曰然柳下季曰跖得無逆汝意若前乎孔

子曰然丘所謂無病而自灸也疾走料虎頭編虎須幾

不免虎口哉

展禽魯僖公時人至孔子生八十餘年若至子路之歿百五六十歲不得為友是寄

言也樞戶破人戶樞而取物也枝木冠冠多華飾如枝繁也帶牛骨以牛皮為帶也縫衣逢掖之衣大袂禪衣也張其尸曰磔流烹也

郭注

此篇寄明因眾之所欲止而止之雖桀紂可去也不因眾而獨用已雖盜跖不可御也

呂注

夫子與盜跖善惡相對吉凶貞勝者也天下之動貞夫一唯其對而不一則不足以相勝也觀跖之

所以拒夫子者則天下之不仁而為利者其說皆如是又惡可與言哉凡治其心者苟不能絕弃聖知仁義則

亦不免為巧利之對而已是以至人知善之與惡相去何若故不譽堯非桀兩忌而化其道以復乎未始有物此人心之盡而道之體也今不直言寓之孔跖者直言則人所難喻故反覆辯難以見其情實

子張問於滿苟得曰盍不為行無行則不信不信則不任不任則不利故觀之名計之利而義真是也若弃名利反之於心則夫士之為行不可一日不為乎滿苟得曰無耻者富多信者顯夫名利之大者幾在無耻而信故觀之名計之利而信真是也若弃名利反之於心則夫士之為行抱其天乎子張曰昔者桀紂貴為天子富

有天下今謂臧聚曰汝行如桀紂則有忤色有不服之心者小人所賤也仲尼墨翟窮為匹夫今謂宰相曰子行如仲尼墨翟則變容易色稱不足者士誠貴也故勢為天子未必貴也窮為匹夫未必賤也貴賤之分在行之美惡滿苟得曰小盜者拘大盜者為諸侯諸侯之門義士存焉昔者桓公小白殺兄入嫂而管仲為臣田成子常殺君竊國而孔子受幣論則賤之行則下之則是言行之情悖戰於胷中也不亦拂乎故書曰孰惡孰美

成者為首不成者為尾子張曰子不為行即將疏戚無  
倫貴賤無義長幼無序五紀六位將何以為別乎滿苟  
得曰堯殺長子舜流母弟疏戚有倫乎湯放桀武王殺  
紂貴賤有義乎王季為適嫡周公殺兄長幼有序乎儒  
者偽辭墨者兼愛五紀六位將有別乎且子正為名我  
正為利名利之實不順於理不監於道吾日與子訟於  
無約曰小人徇財君子徇名其所以變其情易其性則  
異矣乃至於弃其所為而徇其所不為則一也故曰無

為小人反殉而天無為君子從天之理若枉若直相為  
天極面觀四方與時消息若是若非執而圓機獨成而  
意與道徘徊無轉而行無成而義將失而所為無赴而  
富無殉而成將弃而天比干剖心子胥抉決眼忠之禍  
也直躬證父尾生溺歿信之患也鮑子立乾干勝申子  
不自理廉之害也孔子不見母匡子不見父義之失也  
此上世之所傳下世之所語以為士者正其言必其行  
故服其殃離罹其患也

臧聚臧獲竊聚之人也鮑子名  
焦周末人汙時君不仕子貢諫

之遂棄其蔬而餓或申子或云  
申徒抱甕之河或云申生也

**郭注**

此章言尚行則行矯貴士則士偽故蔑  
行賤士以全其肉然後行高而士貴耳

**呂注**

善與惡對故孔子不能化盜跖名與利對故子張  
不能服苟得苟得所以訟於無約也子張以干祿

為學則知有名苟得則知有利無約體道而信者也夫  
為惡與利世謂之小人為善與名世謂之君子此以人  
道言也以天道言則人之君子天之小人若徇天而從  
其理則君子小人不可得而分矣枉直視乎天之中則  
無枉直面觀四方與時消息則雖中而不執以為中此  
道所以六通四辟無乎不在也是非皆一無窮執圓機  
而無不應獨成而意與道徘徊則疇躊躇興事以每成功  
凡若此者所以之天無轉而行至將柰而天此則已之  
天不以人廢天之謂也忠信廉義世所謂名與善也而  
皆不免乎患世人但知利惡之為累而不悟名與善亦



非道也是以無  
約之論重及之

管見

二子之論不決故苟得曾與訟於無約小人徇財  
至章末並無約之辭謂二子皆徇一偏未為合道

莫若心忘善惡一無所徇聽其自然無君子小人之分  
各得其性情之正亦何有枉直中外是非之辨哉獨成  
而不資於物所以與道徘徊而不失也若轉移自然之  
行求成為義之名及趨於富利以望有成皆棄滅其天  
理而陷溺於  
物欲者也

無足問於知和曰人卒未有不興名就利者彼富則人  
歸之歸則下之下則貴之夫見下貴者所以長生安體  
樂意之道也今子獨無意焉知不足耶意知而力不能

行耶故推正不忌耶知和曰今夫此人以為與已同時而生同鄉而處者以為夫絕俗過世之士焉是專無主正所以覽古今之時是非之分也與俗化世去至重棄至尊以為其所為也此其所以論長生安體樂意之道不亦遠乎慘怛之疾恬愉之安不監於體怵惕之恐欣歡之喜不監於心知為為而不知所以為是以貴為天子富有天下而不免於患也無足曰夫富之於人無所不利窮美究勢至人之所不得逮聖人之所不能及俠

協人之勇力而以為威強秉人之知謀以為明察因人之德以為賢良非享國而嚴若君父且夫聲色滋味權勢之於人心不待學而樂之體不待象而安之夫欲惡避就固不待師此人之性也天下雖非我孰能辭之知和曰知者之為故動以百姓不違其度是以足而不爭無以為故不求不足故求之爭四處而不自以為貪有餘故辭之棄天下而不自以為廉廉貪之實非以迫外也反監之度勢為天子而不以貴驕人富有天下而不

以財戲人計其患慮其反以為害於性故辭而不受也  
非以要名譽也堯舜為帝而雍非仁天下也不以美害  
生也善卷許由得帝而不受非虛辭讓也不以事害已  
此皆就其利辭其害而天下稱賢焉則可以有之彼非  
以興名譽也無足曰必持其名苦體絕甘約養以持生  
則亦久病長阨而不死者也知和曰平為福有餘為害  
者物莫不然而財其甚者也今富人耳營鍾鼓篴簫之  
聲口嘽於芻豢醪醴之味以感其意遺忘其業可謂亂

矣核

礙

溺於馮氣若負重行而上也可謂苦矣貪財而

取慰貪權而取竭靜居則溺體澤則馮可謂疾矣為欲

富就利故滿若堵耳而不知避且馮而不舍可謂辱矣

財積而無用服膺而不舍滿心戚醮

焦

求益而不止可

謂憂矣內則疑劫請之賊外則畏寇盜之害內周樓疏

外不敢獨行可謂畏矣此六者天下之至害也皆遺忘

而不知察及其患至求盡性竭財單以反一日之無故

而不可得也故觀之名則不見求之利則不得繚了意

絕體而爭此不亦惑乎

知不足云者言為知力不足故不用耶抑但推尋正道不怠故

不用耶馮氣言債當不通之氣也內周樓疏者言重樓內匝疏軒外通謂設守備也

郭注

此章言知足者常足

呂注

無足以富為見下貴是為安體樂意之道知和以

知是與俗化於世棄其至重至尊者以為世俗之所為失其性命之情謂之安體樂意亦疏矣慘怛恬愉不監於體怵惕欣歡不監於心則知為為而不知所以為向所謂以隋侯之珠彈千仞之雀是也雖至富至貴者猶不免於患況足於財者乎無足以富為是謂人性皆然孰能辭之知和以為不知足者不能讓畔故爭四處而

不以為貪知足以無以天下為故弃天下而不以為廉廉貪之實反監之度而已度謂器之小大不同謂人性

皆然不可也。故溺於馮氣，言馮恃多資，其氣驕滿，體澤則馮謂形體潤澤，則恃而不知衛生，極言富之為害。如此其終也。觀之名，則不見求之利，則不得人，乃繚意絕體而爭之。此則向所謂知為而不知所以為也。孔子不能化盜跖，子張不能服荀彧，得苟得取，直於無約，無足見屈於知和，則知善惡名利不足，以相勝。唯道德足以勝之也。

**碧虛**

物莫重乎身，身莫重乎生。今乃同俗化世，去重棄尊，以為其所為而論安體樂意之道，何緣近之處。

貧賤則惕，怵居富貴，則忻愉。是昧本而矜迹也。為者為興，名就利之為，而不知富貴之自為也。舍其自為而欲興就者，知其不免矣。夫暑空之蟻，唯聚臙臘，蒙袂之士，耻近嗟來魚，相忘於江湖。人相忘於道術，又何藉乎因挾哉。縱肆者，遇聲色則心樂，驕侈者，處權勢則體安。此人之性也。孰不願之，動以百姓非為已也。不違其度。

少私寡欲爭四處者謂征伐四方志在安民非利實貨故不為貪及其功成名遂禪位有道亦不自以為廉也  
王子搜逃乎丹穴顏闔飯牛辭聘此豈要名譽哉舜以天下讓善卷善卷耕而不顧此豈興名譽哉貪饕之人以恬淡為寂寞為阮而不知平易為福有餘為害唯財速禍慘於他物而世俗弗悟也以恬淡寂寞之士觀鍾鼓醪醴則喪亂道業觀膏梁充濫則動多艱苦權勢取慰者溺為身疾攫金不顧者甚於戮辱而委積無厭憂畏不釋一旦禍至身傾唯求所積之早盡耳當此之時真性已竭貨財已單思放鷹犬於蔡上聞鶴唳於華亭詎可復得耶

楊用修

也按馮於馮氣舊注飲食至咽為佞馮音憤憤滿

然既已難矣又行而上尤其難也故曰可謂苦矣下靜居則溺體澤則馮又自解佞溺於馮一句靜居則溺宴



安鴆毒聲色所迷無水自沈也故曰溺體澤則馮言  
營營然如馮河使涉陷身九淵故曰馮何必作憤音

### 劉棻總論

天下無是非是非生於人之情天下有是非  
是非泯於人之性是之德為吉非之德為凶

易曰吉凶者正勝者也夫不能會於正以均忌而紛  
於有為之域物物自貴而相賤孰能定之故雖孔跖之  
分而相謂為盜矣莊子非不知尊孔子而賤盜跖也以  
世人不悟均忌之理相勝以知相誇以能若復徇情而  
尊之則是非愈彰性命之情則雖愈爛漫矣故借天下之  
共非者而述其自是之情則雖聖人亦不能以辯勝故  
末篇以子張之言為未  
當而以知和之論終焉

### 丹鉛錄

邵堯夫云莊子盜跖篇言事之無可奈何者雖  
聖人無如之何庖人雖不治庖尸祝不越樽俎

而代之言君子思不出其位楊中立云逍遙遊一篇子  
思所謂君子無入而不自得養生主一篇孟子所謂行

其所無事能以此意讀莊子所謂圖機之士可與之論九流矣世之病莊子者皆不善讀莊子者也

### 說劍第三十

昔趙文王喜劍劍士夾門而客三千餘人日夜相擊於前或傷者歲百餘人好之不厭如是三年國衰諸侯謀之太子惺患之募左右曰孰能說悅王之意止劍士者賜之千金左右曰莊子當能太子乃使人以千金奉莊子莊子弗受與使者俱往見太子曰太子何以教周賜周千金太子曰聞夫子明聖謹奉千金以幣從者夫子

弗受悝尚何敢言莊子曰聞太子所欲用周者欲絕王

之喜好也使臣上說

稅

大王而逆王意下不當太子則

身刑而歿周尚安所事金乎使臣上說大王下當太子

趙國何求而不得也太子曰然吾王所見唯劍士也莊

子曰諾周善為劍太子曰然吾王所見劍士皆蓬頭突

鬚垂冠曼

莫干反

胡之纓短後之衣瞋目而語難王乃說

悅之今夫子必儒服而見王事必大逆莊子曰請治劍

服治劍服三日乃見太子太子乃與見王王脫白刃待

之莊子入殿門不趨見王不拜王曰子欲何以教寡人  
使太子先曰臣聞大王喜劔故以劔見王王曰子之劔  
何能禁制曰臣之劔十步一人千里不留行王大說之  
曰天下無敵矣莊子曰夫為劔者示之以虛開之以利  
後之以發先之以至願得試之王曰夫子休就舍待命  
令設戲請夫子王乃校劔士七日或傷者六十餘人得  
五六人使奉劔於殿下乃召莊子曰今日試使士敦劔  
莊子曰望之久矣王曰夫子所御杖長短何如曰臣之

所奉皆可然臣有三劔唯王所用請先言而後試王曰  
願聞三劔曰有天子劔有諸侯劔有庶人劔王曰天子  
之劔何如曰天子之劔以燕谿石城為鋒齊岱為鏑晉  
魏為脊周宋為鐔尋韓魏為夾缺包以四夷裹以四時  
繞以渤海帶以常山制以五行論以刑德開以陰陽持  
以春夏行以秋冬此劔直之無前舉之無上案之無下  
運之無旁上決浮雲下絕地紀此劔一用匡諸侯天下  
服矣此天子之劔也文王芒然自失曰諸侯之劔何如

曰諸侯之劔以知勇士為鋒以清廉士為鍔以賢良士為脊以忠聖士為鐔以豪傑士為夾此劔直之亦無前舉之亦無上案之亦無下運之亦無旁上法圓天以順三光下法方地以順四時中和民意以安四鄉此劔一用如雷霆之震也四封之內無不賓服而聽從君命者矣此諸侯之劔也王曰庶人之劔何如曰庶人之劔蓬頭突鬢垂冠曼胡之纓短後之衣瞋目而語難相擊於前上斬頸領下決肝肺此庶人之劔無異於鬪雞一旦

命已絕矣無所用於國事今大王有天子之位而好庶人之劔臣竊為大王薄之王乃牽而上殿宰人上食王

三環之莊子曰大王安坐定氣劔事已畢奏矣於是文

王不出宮三月劔士皆服斃其處也

曼胡粗纓無文理也鈔劔刃也鐔劔

口也缺把也一云鐔從稜向背缺從稜向刃也三環聞義而愧繞餒三周不能坐食也服斃謂恣不見禮皆自

也殺

呂注

莊子之制行願曳尾於塗中而不為大廟犧牲以

道之所用無往而不可耳能止其君之喜好而安其國之危則其澤之及亦豈小哉夫天子之劔以天下為之

所以言天下神器不可為也示之以虛開之以利後之  
以發先之以至此所以用神器之道以其不可為而為  
之者也能知其本末輕重之所在與其所以論制之法  
持行之時則用之而天下服矣自燕溪齊岱至渤海恒  
山喻天子之劍以天下為之自五行刑德至下絕地紀  
喻神之無時無方也唯神人可以御神器故匡諸侯而  
天下服莊子之所以為劍者如此文王聞之芒然自失  
乃知已所好者非真劍也諸侯以一文王為劍故以士言  
士者民之望也知勇居先故以為鋒清廉居次故以為  
鏑賢良倚以為幹者故為脊忠聖植以為本者故為鏐  
豪傑則吾所持而行者故以為劍為國者觀其所以為  
鋒鏑鏐鏐者合與否則器之利不利國之安危可知也  
天下一國大小雖殊其所以用之者在精神之運則  
一而已及問無人之劍則正指王之所好以救其失  
劉梁  
至達害就利往往皆然若其不與已同雖利不從



不見所利雖大不慕也莊子論道是篇及於辭人說客之言者蓋寓至理於微眇必假言而後獲也物情自貴而相賤自是而相非而欲以不同斬人之合則雖夫子之聖亦屈於盜跖之暴矣以所同而勝人則莊子一言而絕趙王終身之好者固其理也夫突鬚垂冠曼胡短後瞋目而語難者趙王之所好非莊子之情今且變其常情易其常服者彼將慕其所大也大則服天子次及諸侯下鄙庶人者彼將慕其所大也大則服天子次及諸四封下則斬頸領者彼將就其所利也事物之情不過於此聖人調而應之物而畜之則衆狙之服於朝四暮三之術豈無其道哉若夫枉己未有能直人則莊子之說似求合矣蓋自盜跖漁父皆非已事也其言之大意皆所以相攻而理固微矣若按迹而求豈知言者哉

### 漁父第三十一

孔子遊乎緇帷之林休坐乎杏壇之上弟子讀書孔子  
弦歌鼓琴奏曲未半有漁父者下船而來須眉交白披  
髮揄袂行原以上距陸而止左手據膝右手持頤以聽  
曲終而招子貢子路二人俱對客指孔子曰彼何為者  
也子路對曰魯之君子也客問其族子路對曰族孔氏  
曰孔氏者何治也子路未應子貢對曰孔氏者性服忠  
信身行仁義飾禮樂選人倫上以忠於世主下以化於  
齊民將以利天下此孔氏之所治也又問曰有土之君

與子貢曰非也侯王之佐與子貢曰非也客乃笑而還  
行言曰仁則仁矣恐不免其身苦心勞形以危其真鳴  
呼遠哉其分於道也子貢還報孔子孔子推吐雷反琴而

起曰其聖人與乃下求之至於澤畔方將杖屨而引其  
船顧見孔子還鄉而立孔子反走再拜而進客曰子將

何求孔子曰曩者先生有緒言而去丘不肖未知所謂

竊待於下風幸聞咳唾吐卧切之音以卒相丘也客曰嘻

甚矣子之好學也孔子再拜而起曰丘少而修學以至

於今六十九歲矣無所得聞至教敢不虛心客曰同類相從同聲相應固天之理也吾請釋吾之所有而經子之所以子之所以者人事也天子諸侯大夫庶人此四者自正治之美也四者離位而亂莫大焉官治其職人憂其事乃無所陵故田荒室露衣食不足徵賦不屬燭妻妾不和長少無序庶人之憂也能不勝任官事不治行不清白羣下荒怠功美不有爵祿不持大夫之憂也廷無忠臣國家昏亂工技不巧貢職不美春秋後倫不

順天子諸侯之憂也陰陽不和寒暑不時以傷庶物諸侯暴亂擅相攘伐以殘民人禮樂不節財用窮匱人倫不飭百姓淫亂天子有司之憂也今子既上無君侯有司之勢而下無大臣職事之官而擅飭禮樂選人倫以化齊民不泰多事乎且人有八疵事有四患不可不察也非其事而事之謂之總莫之顧而進之謂之佞希意道言謂之諂不擇是非而言謂之諛好言人之惡謂之讒析交離親謂之賊稱譽詐偽以敗惡人謂之慝不擇

善否兩容頗

或顧字

適偷拔其所欲謂之險此八疵者外

以亂人內以傷身君子不友明君不臣所謂四患者好  
經大事變更易常以挂功名謂之叨專知擅事侵人自  
用謂之貪見過不更聞諫愈甚謂之狠人同於已則可  
不同於已雖善不善謂之矜此四患也能去八疵無行  
四患而始可教已孔子愀然而歎再拜而起曰丘再逐  
於魯削迹於衛伐樹於宋圍於陳蔡丘不知所失而離  
罹此四謗者何也客悽然變容曰甚矣子之難悟也人

有畏影惡迹而去之走者舉足愈數而迹愈多走愈疾而影不離身自以為尚遲疾走不休絕力而死不知處陰以休影處靜以息迹愚亦甚矣子審仁義之間察同異之際觀動靜之變適受與之度理好惡之情和喜怒之節而幾於不免矣謹修而身慎守其真還以物與人則無所累矣今不修之身而求之人不亦外乎孔子愀然曰請問何謂真客曰真者精誠之至也不精不誠不能動人故強哭者雖悲不哀強怒者雖嚴不威強親者

雖笑不和真悲無聲而哀真怒未發而威真親未笑而和真在內者神動於外是所以貴真也其用於人理也事親則慈孝事君則忠貞飲酒則歡樂處喪則悲哀忠貞以功為主飲酒以樂為主處喪以哀為主事親以適為主功成之美無一其迹矣事親以適不論所以矣飲酒以樂不選其具矣處喪以哀無問其禮矣禮者世俗之所為也真者所以受於天也自然不可易也故聖人法天貴真不拘於俗愚者反此不能法天而恤於人不



知貴真祿祿而受變於俗故不足惜哉子之蚤湛於偽而晚聞大道也孔子又再拜而起曰今者丘得遇也若天幸然先生不羞而比之服役而身教之敢問舍所在請因受業而卒學大道客曰吾聞之可與往者與之至於妙道不可與往者不知其道慎勿與之身乃無咎子勉之吾去子矣吾去子矣乃刺船而去延緣葦間顏淵還車子路授綏孔子不顧待水波定不聞桴音而後敢乘子路旁車而問曰由得為役父矣未嘗見夫子遇人

如此其威也萬乘之主千乘之君見夫子未嘗不分庭  
抗禮夫子猶有倨傲之容今漁父杖屨逆立而夫子曲  
要磬折言拜而應得無太甚乎門人皆怪夫子矣漁父  
何以得此乎孔子伏軾而歎曰甚矣由之難化也湛於  
禮義有間矣而樸鄙之心至今未去進吾語汝夫遇長  
不敬失禮也見賢不尊不仁也彼非至仁不能下人下  
人不精不得其真故長傷身惜哉不仁之於人也禍莫  
大焉而由獨擅之且道者萬物之所由也庶物失之者

成得之者生為事逆之則敗順之則成故道之所在聖

人尊之今漁父之於道可謂有矣吾敢不敬乎

揄袂揮袂也齊

民猶言平民春秋後倫朝觀不及等也  
兩容頗適者善惡容類貌調適也

郭注

此篇言無江海而間者能下江海之士也夫孔子之所放任豈直漁父而已哉將周流六虛旁通無

外蠕動之類咸得盡其所懷而窮  
理至命固所以為至人之道也

呂注

孔子體性抱神以遊世俗則豈有漁父之譏哉所以言此者蓋世之學孔子者不過其迹故寓言於

漁父以明孔子之所貴者非世俗所知子貢之告漁父者乃世儒所知孔子者也夫天下雖大亦物而已孔子之所以為孔子者孰肯以物為事故道之真以治身緒餘土苴以治國家天下誠如子貢所言非其任而為其

事則其分於道也豈不遠哉八疵四病宜其不免也觀  
後世得孔子之迹者而考其所為則莊子之言千載之  
下猶親見之得不謂之神人乎

莊子翼卷七

欽定四庫全書

莊子翼卷八

明 焦竑 撰

列御寇第三十三

列御寇之齊中道而反遇伯昏瞀人伯昏瞀人曰奚方而反曰吾驚焉曰惡乎驚曰吾嘗食於十餐而五餐先饋伯昏瞀人曰若是則汝何為驚已曰夫內誠不解形謀謀成光以外鎮人心使人輕乎貴老而齷其所患夫

餐人特為食羹之貨多餘之贏其為利也薄其為權也輕而猶若是而況於萬乘之主乎身勞於國而知盡於事彼將任我以事而效我以功吾是以驚伯昏瞀人曰善哉觀乎汝處已人將保汝矣無幾何而往則戶外之屨滿矣伯昏瞀人北面而立敦頻杖蹙之乎頤立有間不言而出賓頻者以告列子列子提屨跣而走暨乎門曰先生既來曾不發藥乎曰已矣吾固告汝曰人將保汝果保汝矣非汝能使人保汝而汝不能使人無保汝

也而焉用之感豫出異也必且有感搖而本才

性一作

無謂也與汝遊者又莫汝告也彼所小言盡人毒也莫

覺莫悟何相孰也巧者勞而知者憂無能者無所求食

而遨遊汎若不繫之舟虛而遨遊者也

方李云道也吾驚者見人感已

即達道故也餐讀曰漿謀問也貴老謂重師庇過於保人也釐亂也多餘之贏列子作無多餘之贏當從之保

附也敦豎也賓者通客之人也出異猶言表異也無謂也者非道德之謂也食而遨遊本作飽食而遨遊

郭注

漿謂賣漿之家先饋言其敬已內誠不解則外自矜飾形謀成光舉動便辟而成光儀也外鎮人心

內實不足以服物也使人輕乎貴老言鎮物由乎內實則使人貴老之情篤也釐患言以義形動物則所患亂

生也。漿人權輕利薄，可無求於人也。保汝者，苟不遺形，則所在見保。保者，聚守之謂也。任平而化，則無感無求。無感無求，乃不相保。先物施惠，惠不因彼。豫出則異也。必將有感，則與本性動也。細巧入人，為小言。夫無其能者，唯聖人耳。過此以下，至於昆蟲，未有自忘其能而任眾人者也。

**呂注**

聖人被褐懷玉，全其形生。其藏身也，不厭深渺。內誠不解，則未能忘心。形光可謀，而知非藏身之道。

也。食於十漿，其半先饋。是有以外鎮人心，使之輕貴。老而重已，則整其志而自貽也。齋唯感而後應，體性抱神，以遊世俗，乃能使人無保也。出異則藏，用不密，感豫則拙。而本性養心存神之大患，故以莫告而小言者。為毒而莫覺，莫悟者，不可謂之相孰也。孰言其薰蒸而至於成，為學者日益，故勞且憂，為道者日損。去知巧而復無能，故泛若不繫之舟，虛而遨遊者也。



江通

性猶水也凝之而爲冰釋之而爲水凝則其體不易釋則其用無窮至人之心渙若冰將釋而復歸

於明曾何光耀之外鎮哉若夫內矜實智不能自解輕有結之便辟成光人皆得以密察之有若漿人之摧輕利薄者亦輕乎貴老而整其所患矣整亂也言其患衆至也以五漿先饋爲驚是善於內觀者也處已謂不遺形也北面而立辨於物也敦杖處之乎頤忘我也不言而出忘言也列子提屨跣走則未能默悟不言之教矣夫能不失德而未至於上德之不德知可道有跡而未造常道之無心斯不能使人無汝保也且以不能使人無保爲患者與夫使人保汝者有間矣感豫者先施也列子固未嘗出異以感物也所以人得而保之者必有以感之而不自知也既已有感矣勞汝神搖汝猶日與戶外之屨者相與辨其果有謂乎故曰搖而本才又無謂也與汝遊者俱淪於人道之患故莫知所告其小言之詹詹安能爲至言之發樂哉若是者同之乎迷塗物

與我無成也故曰莫  
覺莫悟何相孰也

循本

迹外誠不解者不能中虛也外謀成光不能泯於無

所患謂舍其自然而從事外故以爲患也保汝者人  
歸之藉以保護也與漢紀蕭曹恐踰城保高祖義同敦  
音頻監也感之乎頤以杖往頤而皮肉皺也豫未然才  
或作性感於未然所以出異衆之驗必且有所感則搖  
動爾之本性無謂無人言之者雖與汝遊者亦莫以相  
告也小言者細巧入人之言及有小言者又爲人之害  
者也孰誰何也相問之詞言莫  
有能覺悟者何取其爲相問也

鄭人緩也呻吟裘氏之地祗

三年而緩爲儒河潤九

里澤及三族使其弟墨儒墨相與辯其父助翟十年而

緩自殺其父夢之曰使而子爲墨者予也闔胡嘗視其  
良既爲秋柏之實矣夫造物者之報人也不報其人而報  
其人之天彼故使彼夫人以已爲有以異於人以賤其  
親齊人之井飲者相淬<sub>辛</sub>也故曰今之世皆緩也自是  
有德者以不知也而況有道者乎古者謂之遁天之刑

良良人謂緩也或作琅音浪家也言  
何不試視緩墓已化秋柏之實矣

郭注

呻吟吟吟之謂祇適也翟緩弟名緩怨其父之助  
弟故感激激自殺死而見夢謂已既能自化爲儒又

化弟令墨弟由已化而不能順已以下莊子辭也積習  
指誠之至故爲秋柏之實夫造物以下莊子辭也積習

之功爲報報其性不報其爲也然則習學之功成性而有已豈爲之哉彼有彼性故使習彼緩自美其儒謂已有積學之功不知其性之自然也夫有功以賤物者不避其親也無其身以平性者貴賤不失其倫也穿井所以通泉吟咏所以通性無泉則無所穿無性則無所詠世皆忘其泉性之自然徒識穿詠之末功因欲矜而有之亦妄乎觀緩之謬以爲學父故能任其自爾而知故無爲乎其間也仍自然之能以爲已功者逃天者也故刑戮及之

呂注

緩自爲儒而使弟爲墨以至相與辯其父助翟而緩自殺皆其人而已若緩之所以爲儒翟之所以

爲墨則其人之天也論其人則父子兄弟不一其身儒墨不同其業論其人之天則一而已其父之所夢者乃緩之天緩之天即其弟之天而緩不自緩矣言彼之爲墨天實使之良者受之於性非學所能亦天而已謂其

弟爲而子自謂已之天爲良則忘其父子兄弟之詞學  
儒而儒學墨而墨與緩之爲相實乃其所以報皆天使  
之也而人不知所以使已助人者未嘗異也乃以已爲  
有以異於人至於賤其親如緩之所爲可不悲哉此與  
齊人以井爲已有而至於相拌者無異世之不知其天  
而賤彼貴我者皆緩也原其所以失性如彼者以其有  
知而已有德者以不知所以全其天也況有遺者乎有  
知則適天適天倍情則不免於復是以古者謂之適天  
之刑

循本

里喻吟誦讀也祇三年只三年而儒業成也河潤九

也蓋胡皆何也諄聶之詞夢中與其父言資而子學墨  
者我也而父何嘗以善視之我死已爲墓上楸梧之實  
矣莊子引此却斷之曰夫造物之報人也不屑屑於報  
其人之所爲往往報其所不能爲者緩乃貞報於所爲

之事誤矣彼造物者實使彼能墨而緩恃已以賤其親  
譬齊人之飲水於井爭而相拌也井無分於予奪而飲  
者自相拌是不知天也今世人皆緩之徒也由此言之  
有德之人且以造物之報爲不可知而況有德之人乎  
有道之人一切付之自然矣古  
者謂緩之徒爲遁逃天理之刑

通義

闕胡二句諸解無意味謂又何不見其成弟之善  
如時之扶如拍之實成其材聞其生意而乃黨弟

以致我死乎十年宿  
怨其爲儒可知矣

陸德明

穿井者謂已有造泉之功而拌飲者不知泉之  
出乃天也緩以使弟墨爲功而怨其父不知程

之能墨亦  
其天也

聖人安其所安不安其所不安衆人安其所不安不安

其所安

郭注

聖人無安無不安順百姓之心也所安相與異所以爲衆人也

呂注

所安者天也所不安者人也

循本

此數語足上意緩蓋不安者也

莊子曰知道易勿言難知而不言所以之天也知而言之所以之入也古之人天而不人

郭注

知雖落天地未嘗開言以引物也應其至分而已

呂注

之天之人之分此無爲謂所以云狂屈似之知與黃帝終不近也

朱評

平

漫學屠龍於支離益單千金之家三年技成而

無所用其巧

郭注

事在於適無貴速功

呂注

龍之爲物其變化有似乎聖知屠則絕棄之謂單千金之家空其所有也無所用其巧則亦無所事

於絕棄矣此之天全者也

聖人以必不必故無兵衆人以不必必之故多兵順於兵故行有求兵恃之則亡

郭注

理雖必然猶不必之斯至順矣兵其安有理雖未必抑而必之各必所見則乘逆生物各順性則足



足則無求矣不得已而用兵以恬淡爲上者未之亡也

呂注

兵莫憐乎志鏌鋣爲下聖人之才立之斯立道之斯行則可必也然而未嘗必歸之天而已是以必

不必則不爲不得志之所傷故無兵衆人反此故多兵順於兵而行有求有恃之而亡者矣

新傳

道者無爲之朴也兵者有爲之器也聖人體道無爲而順物情所以無兵而已矣故曰聖人以必不

必故無兵衆人亡道有爲而逆物情所以多兵而已矣故曰衆人以不必必之故多兵多兵則順兵而外求也

故曰順於兵故行有求然兵者聖人不得已而用之也豈務樂用而恃之與恃之則固難以存也故曰兵也恃

之則亡

筆乘

兵非戈矛之謂喜怒之戰於胸中者是也庚桑子曰懷惠未發兵也豈止鋒鏑之慘而已

小夫之知不離苞苴竿牘敗精神乎蹇淺而欲兼濟道

導物太一形虛若是者迷惑於宇宙形累不知太初彼

至人者歸精神乎無始而甘冥乎無何有之鄉水流乎

無形發泄乎太清悲哉乎汝爲知在毫毛而不知大寧

竿牘竹簡爲書相問遺也

郭注

苞苴所以遺竿牘以問遺問之具小知所問也歸於小務所得者淺而欲兼濟道物經虛涉遠志大神

敝形爲之累則迷惑而失致矣是以至人泊然無爲而任其天行也爲知所得者細任性大寧而至也

呂注

小夫之知不離問遺之間則是敝精神乎蹇淺而欲兼濟導物太一形虛非其任也此所以迷惑於

宇宙形累不知太初則不能太一形虛矣唯聖人歸精  
神乎無始而甘冥乎無何有之鄉至其動也水流乎無  
形發泄乎太清乃所以兼濟導物太一形虛者也夫心  
之爲物莫知其鄉亦大矣而其知不離乎苞苴竿牘之  
間此其知在毫毛而不知大寧爲可悲也

循本

兼太一形虛與尋常言太一太初者不同其句法是  
兼濟對太一道物對形虛兼濟乎道與物太一乎

形與虛猶言極均平之耳形累不知太初者爲形所累  
不知有太初也甘冥即酣眠水流乎無形發泄乎太清  
言至人如水之無心知在毫毛小知也

宋人有曹商者爲宋王使秦其往也得車數乘王說

悅

之益車百乘反於宋見莊子曰夫處窮閭阨臨巷困窘

織屨槁項黃馘

國

者商之所短也一寤萬乘之主而從

車百乘者商之所長也莊子曰秦王有病召醫破癰潰

瘞

方何反

者得車一乘舐

矢

痔者得車五乘所治愈下得

車愈多子豈治其痔耶何得車之多也子行矣

郭注

夫事下然後功高功高然後  
祿重故高速恬淡者道禁也

循本

槁項者項枯槁無肉黃馘者耳  
黃悴消削如被馘然瘞亦癰類

魯哀公問於顏闔曰吾以仲尼為貞幹國其有瘳乎曰

殆哉圾乎仲尼方且飾羽而畫從事華辭以支為盲忍

性以視民而不知不信受乎心宰乎神夫何足以上民

彼宜汝與

余

予願與誤而可矣今使民離實學偽非所

以視民也為後世慮不若休之難治也施於人而不忘

非天布也商賈不齒雖以事

一作士

齒之神者弗齒為外

刑者金與木也為內刑者動與過也宵人之離冊外刑

者金木訊之離內刑者陰陽食之夫免乎內外之刑者

唯真人能之

貞慎通詩云維周之損猶云棟梁也

郭注

汲危也夫至人以民靜為安今一為貞幹則遺高迹於萬世令飾競於仁義而雕畫其毛彩百姓既

危至人亦無以爲安也凡言方且皆謂後世從事師畫  
非任真也從事華詞以支爲旨言將令後世之從事者  
無實而意趣橫出也後世人君將慕仲尼之遐軌而遂  
忍性自矯僞以臨民上下相習遂不自知也今以上民  
則後世百姓非直外形從之而已乃以心神受而用之  
不復自得於體中也彼百姓也女哀公也彼與女各自  
有所宜相效則失真此即今之見驗也予願言效彼非  
所以養已誤而可言正不可也爲後世慮明不謂當時  
也治之則僞故聖人不治布而識之非芻狗萬物也商  
賈不齒況士君子乎要能施惠故於事不得不齒以其  
不忘故心神忽之此百姓之大情也金謂刀鋸斧鉞木  
謂桎梏桎梏靜而當則內外無刑不由明坦之塗者謂  
之宵人動而過分則性氣傷於內金木  
訛於外自非真人未有能止其分者也

**呂注**

易以真爲事之幹天下之動貞夫一者也唯忘心  
可以致一致一所以爲貞幹爲天下國家者倘不

知此而徒欲仕聖知以爲治其弊必至於如所言也夫  
道法自然如鵠之不日浴而白有聖知爲之累則是師  
羽而畫也羽者天質自然畫者人爲之巧猶從事華詞  
以大爲小名實殷亂事不出乎自然則皆強爲忍性以  
視民而宰乎神此所以爲民也何足以上民哉道之所以  
不可與人者以其中無主而不正也則彼仲尼能宜汝  
與抑予自願養與唯絕學而心養者乃所以致一也徒  
欲以視聖人爲貞幹誤而可矣非所以爲正離實學偽非  
所以視民若雲行雨施則何不忘之有商賈不與士齒  
而賤利體實出於人之性至於好利而忘義者失其本  
心故也金與木刑人之體動與過刑人之心寂然不動  
者心之正動無非邪也有爲而欲當則緣於不得已否  
則皆過而已楊子云畫人之過少夜人之過多宵即夜  
之謂爲道未至于光大而不免內外刑者猶爲宵人耳

唯真人寂然而爲緣於不  
得已內外之刑安能累哉

循本

彼彼指民女指哀公子顏闔自謂願猶願指示之自可何必

政令雖或差誤亦不妨以其相與以實也商賈不得與  
士大夫齒雖或偶以事故相齒而人之神終不樂言意  
不欲與之齒也顏闔不樂仲尼意蓋如此宵人即小人  
古字通用漢書毋過宵人是也此闔言真人之通與仲  
別尼寬也

新傳

聖人者與天地合德與陰陽同功不暴其神而使  
人相攻不顯其迹而付物自化竊分無爲而復歸

於朴豈爲輔於時與夫奧妙虛靜者聖人之道也竊冥  
昧然者聖人之迹也道不可以知而迹不可以見今用  
於魯而爲輔則是道可知而迹可見天下必飾外尚詞  
而擬之矣如此則聖人不得有爲而天下不得不得喪



真非爲理之道也故曰方且飾羽而畫從事華詞以  
支爲旨又曰難治也此顏闔能知聖人無用之用矣

孔子曰凡人心險於山川難於知天天猶有春夏秋冬夏  
旦暮之期人者厚貌深情故有貌愿而益有長若不肖

有順

一作慎

獯

而達有堅而縵有緩而鈇

早

故其就義

若渴者其去義若熱故君子遠使之而觀其忠近使之  
而觀其敬煩使之而觀其能卒

粹

然問焉而觀其知急

與之期而觀其信委之以財而觀其仁告之以危而觀  
其節醉之以酒而觀其則雜之以處而觀其色九徵至

不肖人得矣

郭注

險於山川至去義若熟言人情貌之反有如此者夫君子易觀不肖難明然視其所以觀其所由察

其所安搜之有塗亦可知也

呂注

應者少立故與益反長與不肖反順獮與達反達者實直而好義則非順獮也堅與緩緩與鈐皆相

反者故察之不可以一塗也

正考父一命而偃再命而僂三命而俯循牆而走孰敢不軌如而夫者一命而呂鉅再命而於車上僂三命而名諸父孰協唐許賊莫大乎德有心而心有睫及其有

曉也而內視內視而敗矣凶德有五中德為首何謂中

德中德也者有以自好也而叱

匹爾反

其所不為者也窮

有八極達有三必形有六府美髯長大壯麗勇敢八者

俱過人也因以是窮緣循偃佚

跌

困畏不若人三者俱

通達知慧外通勇動多怨仁義多責達生之情者傀達

於知者肖達大命者隨達小命者遭

郭注

孰敢不軌言不敢以不軌之事侮之也而夫謂凡夫唐謂堯許謂由言而夫與考父誰同於唐許之

事也有心為德非真德也真德者忽然自得而不知所以得也率心為德猶之可耳役心於眉睫之間則偽已

甚矣乃欲探射幽隱以深爲事則心與事俱敗矣叱訾也夫自是而非彼則攻之者非一故爲凶首若中無自好之情則恐萬物之所是所是各不自失則天下皆思奉之矣窮謂窮於受役天下未嘗窮於所短而常以所長自困緣循仗物而行者也偃佚不能俯執者也因畏怯弱者也此三者既不以事見任乃將接佐之故必達也智慧外通言通外則以無涯傷其內也勇動多怨言而靜乃厚其身也仁義者天下皆望其愛愛則有不周矣故多責僂然大悟解之貌肖釋散也隨者泯然與化俱也遭者每在節上注乃悟也

**呂注**

正考父至執協唐許言器度大小有如此者不識不知順帝之則毀則爲賊矣德有心而心有眼知

識具而敗其則賊莫大於是內視則所謂賊也五官之動迷而不反莫非凶也中德爲首謂德有心有心則有我自是而非彼故有以自好而叱其所不爲也八者俱過人則自裕故以是窮三者不若人則自強故通達知

慧外通則物至勇動多怨仁義多責此明世俗之所義者非美所惡者非惡要在強行者有志以遺其形而已人能於生而達之則所謂天而生者無以知爲也偶然而已於知而達之者知吾之所知出於無知而未無知肖之而已命者造物所爲吾與造物爲人故達大命者隨之而不去知窮達在天而不在我故達小命者遭之而不辭也

循本

正考父孔子十世祖也事見春秋傳而夫指世俗之人車上僦乘車而軒僦也名諸父呼諸父之名

也唐許陶唐時許山也許由讓天下而弗受豈以爵命自驕孰協誰能如之也耳目口鼻心五者之欲皆凶德而心主其中心之欲尤爲凶德之首凡自好而訾人而不爲我所爲者即是凶德義髯長大爲一壯麗勇敢爲一知展子美髯長大則賢射御足力則賢亦是二事并六府爲八以八者之所能爲過人因以是窮此中言窮

有八極也緣循者順其自然偃佚者偃仰自在困喪不若人者因抑畏怯自處於不如人三者不求通而自通此申言達有三必也下又綴上通達字論之知慧外通者勇動則多招怨仁義則多招責唯達有生自然之情者能傀儡自任達於知者雖未及此亦克肖似即踐形惟肖之肖達天命之大者動與天隨達天命之小者雖不及此亦能安其所遭言所謂通達者非事乎其外也

**方思善**

達有八極言八者窮之極也達有三必言三者

蓄藏於中之義言有六者蓄藏於中不免表暴於外也知慧勇動仁義所謂六府也故惟達者免乎此矣達生者無心達知者無腹達命者吉凶好惡無思無營而與天遊也

**筆乘**

夫子曰道有知則亂德有心則險心有眼則眩何者有眼必有見學道者每患於無見而不知見爲

德之賊也釋氏所說五種眼唯天眼肉眼在面慧法佛眼皆在心波心眼者德之成此心眼者德之敗知其所  
以收則知其所以成無二理也然則達於知者非眼乎  
而何以言肖曰老子不云乎夫道大似不肖若肖久矣  
其細

人有見宋王者錫車十乘以其十乘驕<sub>治</sub> 莊子莊子

曰河上有家貧恃緯蕭而食者其子沒於淵得千金之

珠其父謂其子曰取石來鍛<sub>斷</sub>之夫千金之珠必在九

重之淵而驪龍領下子能得珠者必遭其睡也使驪龍

而寤子尚奚微之有哉今宋國之深非直九重之淵也

宋王之猛非直驪龍也子能得車者必遭其睡也使宋

王而寤子為齧粉矣

緯織也蕭扶蒿也鍛槌碎之也驪龍黑龍也

郭注

夫取富貴者必順乎民望也若挾奇說乘天衢以嬰人主之心者明君之所不受也故如有所譽必

有所試於斯民不違僉曰舉之以合萬夫之望者此三代之所以直道而行之也

呂注

世之冒險探嘗以微寵名幸而不寤者皆探珠之類也此乃至人之所危而哀之彼用以驕舞人不

亦謬乎

口義

驕舞者驕矜而孩視人也緯蕭織蘆為箔也得珠過龍睡喻人之取富貴皆危道也奚微之有言殘

餘食無也



或聘於莊子莊子應其使曰子見夫犧牛乎衣以文繡食以芻菽及其牽而入於太廟雖欲爲孤犢其可得乎

郭注

樂生者畏犧而辭聘鬻牖聞生而  
曠感此死生之情異而各自當也

呂注

莊子入於不死不生嘗以死爲南面王樂則太廟  
犧牲非所畏也而俗方危身傷生以蹈利故其制

行如  
此

莊子將死弟子欲厚葬之莊子曰吾以天地爲棺槨日

月爲連璧星辰爲珠璣萬物爲齋資送吾葬具豈不備

邪何以加此弟子曰吾恐烏鳶之食夫子也莊子曰在

上為鳥鳶食在下為螻蟻食奪彼與此何其偏也以不平平其平也不平以不徵徵其徵也不徵明者唯為之使神者徵之夫明之不勝神也久矣而愚者恃其所見入於人其功外也不亦悲乎

郭注

也以一家之平千萬物未若任萬物之自平也徵應也不因萬物之自應而欲以其所見應之則必有

不合矣夫孰其所見受使多矣安能使物哉惟任神然後能至順故無往不應也明之所及不過於形骸至順

則無遠近幽深皆各自得故用發於彼而功藏於物若恃其所見執其自是雖欲入人其功外也

呂注

得天地萬物之一而同焉以為體則其生也備物以將形其死也之以為齋送非虛言也彼患烏

焉螻蟻之食則不免于奪之偏唯無心則無所予奪於以平之則平之至於以徵之則徵之至苟有心則不無取舍失其常心是爲至不徵至不平也欲以平之則其平也不平欲以徵之則其徵也不徵猶之水也莫動則平大匠取法唯其平也故以平之則平唯其徵也故以徵之則徵凡今知所以予奪者明而已其不知者乃所以爲神也明者唯爲之使而神則徵之此明之所以不勝神也而愚者莫知所謂神獨恃其所見以入於人則用功於外安能反其性命之情哉

### 管見總論

首以饋漿之事成其出異感人未幾而戶外屢滿不能使人無保也次以緹翟交爭憤死

化爲秋柏道自然而之刑戮造物者保其人之天也知道不言如天之運知而言之其機淺矣是以屠龍技成無所用巧用巧不足以效於屠龍甘絀痔者得車愈多不多不足以旌其絀痔皆所以警學徒而鍼時病也至

於賴貞幹以扶國不若休之悟動過之刑心當知謹只  
九微用而不肖得三命至而恭慢分八極三必之不常  
一珠九頃而僅得又以前處世應物之多端貪名逐利  
之召患也倘能因其有形反究夫未始有物則人間世  
之累可免矣含犧牛而爲狐貍亦在人萬信而力行之  
篇末結以莊子死示幻形不足戀凡物必有終也門人  
慮焉爲之食猶以世眼觀唯至人忘形任化無予奪之  
一偏體神用明顯平微之不謬此其所以離人天而  
登假乎道也歟

天下第三十三

天下之治方術者多矣皆以其有爲不可加矣古之所  
謂道術者果惡乎在曰無乎不在曰神何由降明何由

出聖有所生王有所成皆原於一不離於宗謂之天人不離於精謂之神人不離於真謂之至人以天爲宗以德爲本以道爲門兆於變化謂之聖人以仁爲恩以義爲理以禮爲行以樂爲和薰然慈仁謂之君子以法爲分以名爲表以參一作操爲驗以稽爲決其數一二三四是也百官以此相齒以事爲常以衣食為主蕃息蓄藏老弱孤寡爲意皆有以養民之理也古之人其備乎配神明醇天地育萬物和天下澤及百姓明於本數係於末

度六通四辟

開

大小精粗其運無乎不在其明而在數

度者舊法世傳之史尚多有之其在於詩書禮樂者鄒魯之士縉紳先生多能明之詩以道志書以道事禮以道行樂以道和易以道陰陽春秋以道名分其數散於天下而設於中國者百家之學時或稱而道之天下大亂賢聖不明道德不一天下多得一察焉以自好譬如耳目鼻口皆有所明不能相通猶百家衆技也皆有所長時有所用雖然不該不徧一曲之士也判天地之美

析萬物之理察古人之全寡能備於天地之美稱神明之容是故內聖外王之道闇而不明鬱而不發天下之人各爲其所欲爲以自爲方悲夫百家往而不返必不合矣後世之學者不幸不見天地之純古人之大體道術將爲天下裂

郭注

爲其所有爲則真爲也爲其真爲則無偽矣又何加焉

而巳無飾於外斯聖王所以生成也天神至聖凡此四名一人耳所自言之異也仁義禮樂又四名之粗迹而賢人君子之所服膺也其名法參稽以下民之理也民理既然故聖賢不逆古之人即向之四名也本數明故

未不離無乎不在所以爲備也其在數度而可明者雖多有之已疏外也鄒魯縉紳能明其迹耳豈所以迹哉六經既散百家之學皆道古人之陳迹耳尚復不能常稱天下大亂用其迹而無統故也聖賢不明其迹又未易明也道德不一百家穿鑿也天下多得一各信偏見而不能郁舉也夫聖人統百姓之大情而因為之制故百姓寄情於所統而自忘其好惡故與一世而得淡漠焉亂則反之人恣其近好家用典法故國異政家殊俗也所長不同不得常用不該不偏故未足備任也各用其一曲故析判天地萬物之理全人難遇故閭閻聖王之術流弊遂各奮其方或以主物則物離性以從其上而性命喪矣

呂注

天下百家之學莫不自以所治方術施之有爲爲不可加方術各不同則古之道術果何在曰無乎



不在但不得其全耳既不得其全則神明何由降出神降則聖之所生明出則王之所成一者神明之主所謂天人神人至人聖人君子其體大同所從言之異耳語道先明天天者所宗也故不離於宗謂之天人精所以入神不真則不至聖人則全天體神之至者故統道德而兆變化此即神降而為聖也及其見於仁義禮樂薰然慈仁謂之君子則明出而為王也由聖人而上與天同由聖人而下與人同者也以法為分而不可犯以名為表而不可亂以操為驗而不可欺以稽為決而不可惑此皆有數存焉數多者位高而用大數少者居下而治小百官相齒以此而已上則聖之所生下則王之所成無不備者故能配神明醇天地育萬物和天下明本數而不疑係末度而不失其道不為六合所拘其運無乎不在古之道術其大體如此而所謂神者數不能計度不能度不可以書言傳也明在數度者有司出其法國史記其迹其在詩書禮樂者鄒魯之士多能明之自

詩以道志至春秋以道名分皆古之道術明而在數度者先王以其數施於有政散於天下故百家時稱道之亦不止於古道術之外天下有道聖賢明而道德一學者得見其全不爲奇方異術所蔽及其亂也天下多得其一端察焉以自好雖各有所長而不該不徧一曲之士而已天地有大美而判之萬物有成理而析之以古人之全而察之彼百家者寡能備天地之美稱神明之容是故聖王之道闇而不明人各爲其所欲爲道術裂矣

循本

以天爲宗以德爲本以道爲門總說天人神人至人也以仁爲恩以義爲理以禮爲行以樂爲和說

聖人也其數一二三四逐一逐二討分曉也相齒相列也以事爲常者各治其職事也以衣食爲主者務農桑也蕃息者雞豚狗彘之畜蓄藏者倉廩府庫之積老弱孤寡爲意者以老弱孤寡爲念也民之理者治民之道

也以上說君子自天入至君子總括古之道術盡矣下  
文却歎古今之異稱而道之以上說古之道術伏羲神  
農黃帝堯舜禹湯文武周孔包括在中天下大亂以下  
說後世之方術一察者只見得一偏天下之人多是執  
一偏之見以自喜如耳目鼻口皆有所知而不能相通  
百家衆技皆有所長時有所用而徇於一偏者正如此  
察古人之全寡能備於天地之義稱神明之容者觀古  
人全處則一偏之士少能備天地之義稱神明之容容  
頌古通用即義也自爲方自爲方術也悲  
夫以下皆傷歎之詞以後各述諸家之異

不侈於後世不靡於萬物不暉於數度以繩墨自矯而  
備世之急古之道術有在於是者墨翟禽滑滑釐聞其

風而說

悅

之為之大過已之大順作為非樂命之曰節

用生不歌死無服墨子汎愛兼利而非鬪其道不怒又好學而博不異不與先王同毀古之禮樂黃帝有咸池堯有大章舜有大韶禹有大夏湯有大濩文王有辟

璧

雍之樂武王周公作武古之喪禮貴賤有儀上下有等天子棺槨七重諸侯五重大夫三重士再重令墨子獨生不歌死不服桐棺三寸而無槨以為法式以此教人恐不愛人以此自行固不愛己未敗墨子道雖然歌而非歌哭而非哭樂而非樂是果類乎其生也勤其死也

薄其道大轂

恪

使人憂使人悲其行難為也恐其不可

以為聖人之道反天下之心天下不堪墨子雖獨能仕  
奈天下何離於天下其去王也遠矣墨子稱道曰昔者  
禹之湮洪水決江河而通四夷九州也名山三百支川  
三千小者無數禹親自操橐耜而九鳩雜天下之川腓  
無胈坂脰無毛沐甚風櫛疾雨置萬國禹大聖也而形  
勞天下也如此使後世之墨者多以裘褐為衣以跣蹻  
為服日夜不休以自苦為極曰不能如此非禹之道也

不足為墨相里勤之弟子五侯之徒南方之墨者苦獲  
已茵鄧陵子之屬俱誦墨經而倍誦不同相謂別墨以  
堅白同異之辯相訾以觭偶不忤之辭相應以巨子為  
聖人皆願為之尸冀得為其後世至今不決墨翟禽滑  
釐之意則是其行則非也將使後世之墨者必自苦以  
腓無胫脛無毛相進而已矣亂之上也治之下也雖然  
墨子真天下之好也將求之不得也雖枯槁不舍也才  
士也夫

大循一作大順非樂節用墨子篇名索招一作  
索招九聚也所治非一故曰雜跂履同木曰跂

麻曰蹻鞋下藉也  
墨道成者猶云碩儒  
巨子

郭注

勤儉則瘁故不暉也  
矯厲也勤儉則財有餘而急

百姓勤儉有餘故以聞爲非不怒言但自刻也既自以爲是則欲令萬物皆同乎已故博而不異不與先王同者先王則恣其羣異然後同焉皆得而不知所以得也毀古禮樂嫌其侈靡物皆以任力稱情爲愛令以勤儉爲法而爲之太過雖欲饒天下更非所以爲愛也未敗墨道但非道德雖獨成墨而不類萬物之情故曰是果類乎穀無潤也不可爲聖人之道者言聖道悅以使民民得性之所樂則悅悅則天下無難矣夫王者必合天下之歡心而與物俱往故離於天下者去王遠也墨子徒見禹之躬勞耳未覩其性之適也以自苦爲極謂自苦爲盡理之法也非其時而守其道所以爲墨各守所見則所在無通故於墨之中又相與別也巨子皆能辯

其所以成其行者也尸主也為其後世欲係巨子之業也意在不侈靡而備世之急所以為是為之太過故非也亂莫大於逆物而傷性故為亂之上任眾適性上也今墨反之故為治之下為其真好故聖賢不逆也但不可以教人求之不得謂無輩也枯槁不合所以為真好也才士也夫非有德者也

**呂注**

先王之治至於聲名大物之大備則不侈於後世不靡於萬物不暉於度數非其常然也以繩墨自

矯所以備世之急古之道術有在於是夫道所以體常而盡變墨子特見其備世之急遂以為常所謂得一察焉以自好非可與人同也自作為非樂至博不異皆為之大過已之大循者也先聖禮樂有節喪葬有儀今乃生不歆死不服不同先王毀古禮樂儉薄如此非特不愛人亦不愛已矣墨子本以汎愛兼利為心而不察人之不堪甘其苦而為之以約失之者鮮則未敗墨子道也哀樂人所不免先聖為之節文墨子使之歌而非歌



哭而非哭是果人情乎生勤死薄使人憂悲古之道術雖有在於是而墨子爲之太過不可謂聖人之道也雖能任奈天下不堪何其去王道遠矣昔禹遭洪水其勞至於如此所謂備世之急者墨子以爲常然則非也夫勤勞備世之意則是爲之太過天下不堪其行則非將使後世學者自苦以相進而已夫勤儉固難爲而墨子優爲之真天下之好求之不可得可謂才士也夫

循本

不侈於後世不開後世以奢侈也不靡於萬物不以外物爲靡麗也不暉於數度不以禮樂數爲

暉耀也以繩墨自矯守繩墨以自矯拂也備世之急備其急務而不爲不切之事也古之道術固有如此者而墨翟之徒乃獨喜其說爲之太過所以繩墨自矯者極其過甚也已之大順所以不侈不靡不暉者極其隨順也作爲非樂言所作爲皆非可樂之事也不異不與先王同不異於衆人而亦與先王之道不同也教人以薄

恐非所以愛人然他却自行以薄固未嘗愛已是以人無非之者不至敗墨道雖然以下足莊子評品之詞當歌而不歌當哭而不哭當樂而不樂豈近人情乎穀朴也去王也遠此不與先王同也索相以盛衣服之器九如桓公九合諸侯之九讀如糾糾雜者糾合錯雜天下之川使之脈絡貫穿而注於海也跂蹻爲服服事也相里里名勤人名五侯之徒五等諸侯左傳所謂五侯九伯也不作不違也不違則相應巨子猶言大人擇其黨之巨者爲聖人尸主也皆願以之爲主冀得爲後世傳道之派然而人或信或否至今其論不能定亂之上治之下亂多而治少也真天下之好好爲治者也

不累於俗不飾於物不苟於人不忤於衆願天下之安寧以活民命人我之養畢足而止以此白心古之道術

有在於是者宋鉞

刑

尹文聞其風而悅之作爲華山之

冠以自表接萬物以別宥爲始語心之容命之曰心之

行以駟合驪以調海內請欲置之以爲主見侮不辱救

民之鬪禁攻寢兵救世之戰以此周行天下上說

悅

下

教雖天下不取強

上聲

聒而不含者也故曰上下見厭而

強見也雖然其爲人太多其自爲太少曰請欲固置五

升之飯足矣先生恐不得飽弟子雖饑不忘天下日夜

不休曰我必得活哉圖傲乎救世之士哉曰君子不爲

苛察不以身假物以為無益於天下者明之不如已也  
以禁攻寢兵為外以情欲寡淺為內其大小精粗其行  
適至是而止

郭注

收逆也畢足而止不敢望有餘也華山上下均平  
別有萬物不欲令相犯錯也強以其道脩令合調

令和二子請得若此者立以為物主也見侮不辱以治  
民為急也救鬪寢兵所謂脩調也雖天下不取強貽而  
不脩脩調之理然也見厭強見所謂不辱也飯斯明自為  
化而強慰之則其功太重也固置五汁之飯斯明自為  
太少也我必得活哉謂民亦當報已也圖傲揮斥高大  
之貌不為苛察務寬恕也不以身假物必自出其力也  
無益於天下者已之所以為救世之士  
也其行適至是而止未能經虛涉曠也

呂注

爭不爲俗所累不求師於物推誠以及人在醜而不

洗之是以白心也夫物之紛爭由於交侵而苛急別  
而宥之乃所以息紛爭而願安寧之道心之爲物無所  
不容則宜無所爭也二子語其容而行之以脩合離以  
調海內是謂心之行欲置之爲主推而宗之自見侮不  
辱至強貼不舍此所謂調脩之道也古之道術雖有在  
於是然爲人太多爲已太少此二子所以不合於是言  
我日夜不休以救世人人必不至於國傲乎救世之士  
而不我顧則我必得活不以飢死爲憂其行適至是而  
止過此則非二子所知謂其不聞道也

循本

白心暴白其心也華山上下均平作冠象之故曰  
華山之冠別宥別善惡宥不及也語心之容者說

心之形容也命之猶名之心之行心之用也脩煖熱也  
舊本作日傍者誤言心之用如以烹飪與人合離使之

飲樂以此調和海內而已請欲斯人立此心以爲之主  
也自言日得五升之飯足矣然先生恐不得飽弟子亦  
饑而隨之日夜行不休曰我必求得活民命哉圖以淑  
夫救世之士不盡心者哉其學有小大精粗不同而其  
行適至此足矣言亦  
無小大高深之義也

公而不黨易

興

而無私決然無主趣物而不兩不顧於

慮不謀於知於物無擇與之俱往古之道術有在於是  
者彭蒙田駢慎到聞其風而悅之齊萬物以爲首曰天  
能覆之而不能載之地能載之而不能覆之大道能包  
之而不能辯之知萬物皆有所可有所不可故曰選則

不偏教則不至道則無遺者矣是故慎到棄知去已而

緣不得已

零

汰於物以為道理曰知不知將薄知而

後鄰傷之者也譏髀無任而笑天下之尚賢也縱脫無

行而非天下之大聖推

連

拍輓斷與物宛轉舍是與非

苟可以免不師知慮不知前後魏

危

然而已矣推

吐雷反

而後行曳而後往若飄風之還若羽之旋若磨石之隧  
全而無非動靜無過未嘗有罪是何故夫無知之物無  
建已之患無用知之累動靜不離於理是以終身無譽

故曰至於若無知之物而已無用賢聖夫塊不失道豪傑相與策之曰慎到之道非生人之行而至死人之理適得怪焉田駢亦然學於彭蒙得不教焉彭蒙之師曰古之道人至於莫之是莫之非而已矣其風窳然惡可而言常反人不聚觀而不免於魤魤斷其所謂道非道而所言之雖不免於非彭蒙田駢慎到不知道雖然槩乎皆嘗有聞者也

人不聚觀一作不見觀

郭注

決然無主各自任也物得所趣故一而不兩選則不徧都用乃周也教則不至任其性乃至也冷太



猶聽放也。其知力淺，不知任其自然，故薄之。而又鄰傷  
焉，譏髀無任言不當其任，而任夫衆人衆人各自能則  
無爲橫復尚賢也。非大聖者欲壞其迹使物不殉也。法  
家雖妙，猶有椎拍故未泯合不能知是之與非，前之與  
後，瞶目恣性苟免，當時之患耳。魏然任性獨立也，推曳  
而行，緣於不得已也。患生於譽譽生於有建唯聖人然  
後能去知與故循天之理，故愚知處宜貴賤當位賢不  
肖襲情而云無用，賢聖所以爲不知道也。堯不失道，欲  
令去知如土塊也。夫去知任性，然後神明洞照，所以爲  
賢聖而云塊不失道，人若土塊非兀而何？豪傑所以笑  
也，未合至道，故爲詭怪，得不教謂得自任之道也。莫之  
是非，所謂齊萬物以爲首也。窳然逆風所動之聲，反人  
不見，觀不順民望也。齟斷無圭角也。韙是也，道無不  
在，而云塊不失道，所以爲不知道，嘗有聞言不至也。

呂注

不黨無私，則中虛而無主，故與物爲一，不顧不謀  
與物俱往，古之道術其寂然不動者，三子所悅也。

感而遂通天下之故則三子者之所不知也夫大地大  
道大而有不能則知萬物有所可有所不可選則不  
編教則不至唯齊之以道則無遺矣是故慎到弃知去  
已而緣於不得已冷者清其濁汰者去其擾古之人由  
是以入道非以是爲道二子以道爲止於此蓋不知智  
與已未始有物也夫萬物並作乃所以復而其芒芒乃  
所以歸根不足以及撓吾心也慎到之所以爲道理以爲  
知不知而已將薄之而後鄰陽之唯無知乃所以全也  
慎到徒知大知之行而非天下之賢聖所以弃知去已也  
不定縱脫無行而非天下之賢聖所以弃知去已也  
拍斷連下三句則冷汰於物之謂推拍鍊治之斷  
破絕之宛轉則與之俱往故忘智慮前後魏然而已推  
曳而後動若風羽之旋磨石之隨動靜不離於理是以  
知之物而已故無建已用知之患動靜不離於理是以  
無譽無過慎到以是爲道理夫唯魂不失道蓋知絕聖  
棄知之說而絕弃之者乃所以爲聖知也則奚以異於

死人之理豪傑所以笑之而得怪於天下山駢學於彭蒙得不敬焉以其教則不至也言古人至於莫之是非而已其風窳然惡可而言亦幾乎未始有是非而知者不言之說至於所爲與人反而欲以不聚人觀則不免於斷斷而已夫道未始有物也故以空虛不毀萬物爲實奚以常反人而以推拍斷斷爲哉其所謂道非道而所是未免於非以其滯於無知之域耳三子雖非知道槩嘗有聞者若墨翟滑釐宋鈃尹文非唯不知道又未嘗有聞也道本出於性命之情而其真以治身今墨翟滑釐制行舉離於天下至於人已不愛則喪本失真爲甚故論道術爲天下裂而先及之次以宋尹則爲知道田慎則知而近之由粗以及精也

**循本**

易平坦也決然無主者遇事決然行之而不先立主意也趨物而不兩者隨事而趨不生兩意如作

一事又別生一意便是有心矣有所選擇則不周徧以之爲教則有不至惟歸之道則無有遺失矣冷者清冷

之意汰者洗滌之意冷汰於物猶言遇事脫灑也知不知者雖知只作不知薄與鄙皆畧也若畧知則必有畧傷彭蒙田駢慎到惠施鄧析皆齊宣王時人居稷下其學本貴老見尹文子及荀子譏思恥也骸獨行也無任無所事任也綴脫無行縱肆脫畧不事行檢也推以拍之輓以斷之皆與之無競也風還羽旋有宛轉之意磨隨亦宛轉而出也彼以塊然無知則不失道矣豪傑却相與笑慎到所爲以爲此非生人之行乃死人之理徒怪訝而已田駢亦然亦如慎到也彭蒙者田駢之師田駢學於彭蒙而得不言之教蓋彭蒙之師固曰古之道人至於莫之是莫之非而已其風闊然不可得而覩又何可得而言是以彭蒙亦無言但見田駢常自彭蒙之家而反久之人不復聚觀而不免三兩人如魚隊之斷續而來言雖不驚竦人終不免有人識之也

以本為精以物為粗以有積為不足澹然獨與神明居

古之道術有在於是者闕尹老聃聞其風而悅之建之以常無有主之以太一以濡弱謙下為表以空虛不毀萬物為實闕尹曰在已無居形物自著其動若水其靜若鏡其應若響<sup>忽</sup>乎若亡寂乎若清同焉者和得焉者失未嘗先人而嘗隨人老聃曰知其雄守其雌為天下谿知其白守其辱為天下谷人皆取先已獨取後曰受天下之垢人皆取實已獨取虛無藏也故有餘歸然而有餘其行身也徐而不費無為也而笑巧人皆求福

已獨曲全曰苟免於咎以深為根以約為紀曰堅則毀  
矣銳則挫矣常寬容於物不削於人可謂至極闕尹老  
聃乎古之博大真人哉

郭注

有積為不足寄之天下乃有餘也無有何所能建  
建之以常無有明有物之自建也自天地以及羣

物皆各自得而不兼他飾斯非主之以太一邪在已無  
居者物來則應應而不藏故功隨物去也形物自著者  
不自是而委萬物故物形各自彰著也其應若響者常  
無情也得焉者失言常全者不知所得也物各自守其  
分則靜默而已無雄白也夫雄白者非尚勝自顯邪尚  
勝自顯豈非逐知過分以殆其生邪故古人不隨無涯  
之知守其分內而已故其性全其性全然後能及天下  
能及天下然後歸之如谿谷也不與萬物爭鋒然後天

下樂推而不厭故後其身也雖辱後下之類皆物之所  
謂垢也取實者唯知有之以爲利未知無之以爲用取  
虛者守冲泊以待厚實也無藏有餘者付萬物使各自  
守故不患其少也歸然獨立自足之謂徐而不費者因  
民所利而行之隨四時而成之常與道理俱故無疾無  
費也巧者有爲以傷神器之自成故無爲者因其自生  
任其自成萬物各得自爲蜘蛛猶能結網則人人自有  
所能矣無貴於工倕也委順至理則常全故無求而福  
自足隨物故物不得咎理根爲太初之極不可謂之淺  
也以約爲紀去泰甚也夫至順則雖金石無堅也迂逆  
則雖水氣無與也順全逆毀斯正理也進躁無涯  
爲銳各守其分則自容有餘不削於人全其性也

**呂注**

以道爲精則以物爲粗以物爲粗則以無物爲精  
矣道未始有物故以有積爲不足致虛極則必至

於無積而後止澹然獨與神明居而已古之道術本末  
猶粗無乎不在此云以本爲精趣時而已道本無物而

欽定四庫全書

卷八

時有焉則猶有未樹也建之以常無有則物莫能拔矣  
一與言爲二有所謂一則非太一太一則一亦不可得  
故萬物歸焉而不知主道無形則不爭故以柔弱謙下  
爲表觀其表則中之所體可知物各歸根體自空虛以  
空虛不毀萬物爲實異乎推拍輓斷以爲道者也闕尹  
子十一句皆在已無居形物自著之功老子曰知雄守  
雌知白守辱雌靜而不唱辱謝而歸根歛輪而不積谷  
應而不藏而江海之源所自出則建以常無有主以太  
一之謂也處後而受垢以滿弱謙下爲表也處虛而無  
藏故不毀萬物而物爲之用此其所以有餘不先人而  
隨人所以徐而不毀之則異乎若無知之物矣曲全免咎是  
之自虛而不毀之則異乎若無知之物矣曲全免咎是  
所謂福以深爲根則無事於堅以約爲紀則無事於銳  
至虛至大故常容物不削於人蓋以本爲精而澹然獨  
與神明居則所體者道之真可謂  
至極故嘆曰古之博大真人哉



循本

傳即黑也谿谷皆虛而有容之處故以此喻即所謂玄牝也笑巧笑人之巧也不削於人不侵削於

人也

芴冥無形變化無常死與生與天地並與神明往與芒  
乎何之忽乎何適萬物畢羅莫足以歸古之道術有在  
於是者莊周聞其風而悅之以謬悠之說荒唐之言無  
端崖之辭時恣縱而不儻不以觴見之也以天下為沈  
濁不可與莊語以卮言為曼衍以重言為真以寓言為  
廣獨與天地精神往來而不敖倪於萬物不譴是非以

與世俗處其書雖瓌璋而連玆無傷也其辭雖參差而  
諷詭可觀彼其充實不可以已上與造物者遊而下與  
外死生無終始者為友其於本也弘大而辟深閎而肆  
其於宗也可謂稠調適而上遂矣雖然其應於化而解  
於物也其理不竭其來不蛻芒乎昧乎未之盡者

若忘

於情實者荒唐無域畔也莊端正也瓌璋  
奇特也連玆宛轉貌與物相從不違也

郭注

無形無常隨物也死與生與任化也何之何適無  
意趣也物莫足歸都任置也時悲歎而不憊不急

欲使物見其意也沈濁者累於形名以莊語為狂而不  
信故不語也危言重言寓言俱通至理正當萬物之性

命也不謔是非已無是非故恣物而行也形羣於物故與俗處還與物合故無傷也不唯應當世之務故參差充實不可已多所有也莊子通以平意說已與說他人無異也案其辭明其汪汪然禹拜昌言亦何嫌乎此也

**呂注**

無形故不可見無常故不可測以爲天地並與未嘗有生以爲生與則未嘗有死以爲天地並與未嘗

有古今以爲神明往與未嘗有彼是然則芒芴無爲寂然不動而已萬物畢羅無不任也莫足以歸其唯神之

所爲乎以謬悠荒唐不可窮之詞時恣縱而不苟蓋皆

有對不以觴見之則雖無實不經不害其爲信言也莊

語猶法言庖言喻道之日用無窮重言寓言所以趣時

也人不吾言之信故稱古昔以爲重重言不能喻而後

有寓言夫莊子之所體者獨與天地精神往來而不散

倪於萬物故其言亦然教倪猶誅親也不謔是非所以

羣於世俗著書雖瓌瑋而連牀無傷也連謂無間隙牀

則有定體然不可得而求非世俗所可貴也諷詭言之

異非世俗所可賤也唯其有諸中而充實不可以已故上與造物者遊下與外死生無終始者友則入於神矣其本宏大以天爲宗可謂調適上遂不離於宗者也故應化也其理不竭解物也其來不蛻謂形不待蛻而後解芒昧無盡此神之不可知者也

惠施多方其書五車其道舛駁其言也不中<sub>歷</sub>麻物之意曰至大無外謂之大一至小無內謂之小一無厚不可積也其大千里天與地界山與澤平日方中方晚物方生方死大同而與小同異此之謂小同異萬物畢同畢異此之謂大同異南方無窮而有窮今日適越而昔來

連環可解也我知天下之中央燕之北越之南是也汎  
愛萬物天地一體也惠施以此為大觀於天下而曉辯  
者天下之辯者相與樂之卵有毛雞三足郢有天下犬  
可以為羊馬有卵丁子有尾火不熱山出口輪不蹊地  
目不見指不至至不絕龜長於蛇矩不方規不可以為  
圓鑿不圓枘飛鳥之景未嘗動也鏃矢之疾而有不行  
不止之時狗非犬黃馬驪牛三白狗黑孤駒未嘗有母  
一尺之棰日取其半萬世不竭辯者以此與惠施相應

終身無窮桓園公孫龍辯者之徒飾人之心易人之意  
能勝人之口不能服人之心辯者之囿也惠施日以其  
知與人之辯特與天下之辯者為怪此其柢也然惠施  
之口談自以為最賢曰天地其壯乎施存雄而無術南  
方有倚時人焉曰黃繚問天地所以不墜不陷風雨雷  
霆之故惠施不辭而應不慮而對徧為萬物說說而不  
休多而無已猶以為寡益之以怪以反人為實而欲以  
勝人為名是以與眾不適也弱於德強於物其塗墮矣

由天地之道觀惠施之能其猶一蚤一蠅之勞者也其  
於物也何庸夫充一尚可曰愈貴道幾矣惠施不能以  
此自寧散於萬物而不厭卒以善辯為名惜乎惠施之才  
駘蕩而不得逐萬物而不反是窮響以聲形與影競走  
也悲夫

呂注

老子曰多言數窮又曰希言自然則有言者不得  
已也而施之口談自以為賢不知天地之虛曠而

有我之甚不能守雌者也宜其以天地為壯存雄而無  
術也夫聖人以無言為言所以為德今施恃其辯以反  
人為實以勝人為名則不知無言者也為言所役不能  
自勝則弱於德以勝人為名則強於物其塗墮謂非六

通四關之道也。天地之道所以大者以其無爲。今施之能不免於有我。由天地之道觀之。雖博且辯。猶一蚤一蚤之勞而已。於物何庸哉。一與多皆道也。一爲本多爲末。則一雖不足爲本。末之備然。比之忘本逐末者。尚可曰愈貴於道。亦幾矣。施不知反本以自寧。散於萬物而不厭。卒以善辯爲名。逐末而不反也。夫無聲則響絕。處陰則影滅。已無我則天下莫與之爭。施雖有才而不知出此徒事言詞之末。以與物競。奚異於窮響以聲而形矣。與影競走也。其失性甚矣。所以深惜而悲之。

**疑獨**

施之辯能反人之心。或與天下辯其數。難三足是也。或與天下辯其

形。矩不方是也。或與天下辯其色。白狗黑是也。或辯其上下。天與地卑是也。或辯其長短。龜長於蛇是也。其論大率以謂萬物無高下長短之殊。無形名方圓之異。無青黃黑白之別。以齊萬物爲首。謂大道散而有形名。皆



出於人之私以爲差別而已施持此以與天下辯卒以  
善辯爲名此古人所不爲故不曰古之道術惜其有才  
而終於逐物  
喪其本真也

循本

前歷言道術此獨言多方則所謂方術也其言不  
中於理逐一忖度事物之意而言之無厚不可積

也其大千里者無有不可積之厚自微而積之其大可  
致千里方睨者日戾可睨而視之也天地山澤日之中  
異物之生死皆合之爲同若大者同而小者異則謂之  
小同異若盡同盡異則謂之大同異居北方者不知南  
方地理以爲無窮然畢竟有窮處雖今日方適越然到  
越則知越矣謂之昔日已來可也天下之中央不知在  
何處然燕越之人各以其所處爲中則燕之北越之南  
亦可以爲中矣汎愛萬物則天地與吾一體矣此下所  
論是當時辯者有此數般話柄羽毛生於卵中是卵有  
毛雞本兩足而足之行有意也是爲三足耶本候國而

稱爲王是有天下之號犬羊之名皆人所命若先名犬  
爲羊則人必呼爲羊矣馬固胎生然馬生下有毛則與  
卵生何異豈特鳥獸之生有尾觀製字丁字子字即有  
尾之狀荀子亦曰鈎有鬚卵有毛此說之難持也而鄧  
析惠施能之彼注云鈎有鬚即丁子有尾也丁之曲者  
爲鈎鬚與尾類火熱也至冬則不熟山靜也空谷傳聲  
則能出口車輪之極圓者不蹶地考工記輪人云進而  
眊其輪欲其微至也無所取之取諸圜也目有所蔽則  
不見指有所遺則不至雖至有所不能蓋蛇長而龜短  
龜能知吉凶則長於蛇矣矩者爲方之器然矩之體本  
不方規者爲圓之器然規之體本不可以爲圓鑿非圓  
柄而柄自入之飛鳥之影雖動然影只附於形與形不  
相離是未嘗動也鋏天雖疾然不發之則不行發之則  
不可止是其疾在人而不在鋏天狗犬一也而有懸蹄  
則謂之犬無懸蹄則止謂之狗而不得謂之犬矣馬一  
也而又有所謂黃者二也彼曰黃耳而黃之者人也非

三獸驪牛亦然狗之黑者不可以變白而白者可以變黑則白狗可以名之爲黑駒而孤駒則謂未嘗有母可也一尺之棰不爲長也今日用其半明日又用其半展轉用之則萬世不竭當時辨者以此與惠施相應和終身不知窮止天地其壯乎言吾之強其猶天地乎人能勝天地其妄誕如此惠施雖存雄勝之心而無勝人之術始言多方終言無術則塗路也輿迂曲也言施足於德也強於物有飾於辯也塗路也輿迂曲也言施所由之路迂曲不正也不能以此自寧散於萬物而不厭惠施不能安其爲一偏而欲牢籠萬物以爲能也莊子極詆惠施所以厭戰國之縱橫者可見矣編末叙道術先天人神人至人次及聖人君子後世道術裂而後有諸家之異最末及惠施方術下矣莊子自列於老聃之後固未嘗敢以上掩六經也讀至此豈復更有餘篇哉

洪邁

莊子載惠子之言曰一尺之捶日取其半萬世不竭雖爲寓言然此理固具蓋但取其半正辟爲微

塵餘半猶存雖至於無窮可也

筆乘

自惠施多方以下與列子載公孫龍誑魏王之語絕相類解者多屬臆說范無隱與其門人嘗論此

云恢悅情怪道通爲一存而勿論可也何者此本非南華語是其所闢外駁不中之言惡用解爲雖然凡莊生之所述豈特墨翟禽滑釐以來爲近於道即惠施之言亦有似焉者也劉辰翁所謂唯愛之故病之而不知者以爲疾也毀人以自全也非莊子也

陸德明

子玄之注論其大體真可謂得莊子之旨矣郭生前嘆骨梁之迷說余亦晚觀貴遊之妄談斯

所謂異代同風何可復言也或曰莊惠標濛梁之契發郢匠之模而言其道外駁其言不中何也豈契若郢匠

褒同寢斤而相非之言如此之甚邪曰夫欲極有教之  
肆神明其言者豈得不善其辭而盡其喻乎莊子振微  
音於七篇列斯文於後世重言盡涉玄之路從事展有  
辭之叙雖談無賁辭而教無虛唱然其文易覽其趣難  
窺恐造懷而未達者有過理之嫌祛  
斯文之弊故大舉惠子之宏辯也

### 劉棻總論

此道體廣大包覆無遺形數肇一奇偶相生自  
以往巧歷不能算矣古之人循大道之序

順神明之理於是內聖外王之道其在數度者雜而  
難偏然本末先後之出於一而散於萬者未嘗不通也  
故時出時處或動或靜能短能長以矯天下之枉而曲  
當不齊之變且伏羲非無法也而成於堯二帝非無政  
也而備於周不先時而好新不後時而玩古此聖人之  
在上者有所不能盡備也伊尹仕也伯夷矯之以清清  
近隘也柳下惠濟之以和不逆世以蹈節不循俗以造  
名此聖人之在下者有所不能盡全也道至於孔子而

後集大成蓋幾千年而一出孔子之上聖人之因時  
者有不得已也孔子之下諸子之立家者各是其是也  
莊子之時去聖已遠道德仁義裂於揚墨無爲清靜  
於田彭於是宋鉞尹文之徒聞風而肆莊子思欲復仲  
尼之道而非仲尼之時遂高言至道以矯天下之卑無  
爲復朴以絕天下之華清虛寂寞以拯天下之濁謂約  
言不足以及解弊故曼衍而無家謂莊語不足以喻俗故  
荒唐而無崖其言好尊老朋而下仲尼至論百家之學  
則仲尼不與焉蓋謂道非集大成之時則雖博大真人  
猶在三曲老朋一書得吾之本故調適而上遂惠子之  
書得吾之末未免一曲而已嗚呼諸子之書曷嘗不尊  
仲尼哉知其所以尊者莫如莊子學者致知於言外可  
也

莊子翼卷八